



唐類函 十八

封爵部

封爵總裁

親戚封

功臣封

死王事子孫封

封功臣後

德行封

尊賢德絕封

恩澤封

非戚封

追封

從封

異域降附封

婦人封

爵封

遊豫封

政術部

君道

臣術

官階

擇官

勸官

守官

擢官

省官

廢官

侵官

爭長

濫官

賣官爵

巧官

換

代官

休做

辭官

去官

離局

黜免

有罪復用

共六十一

13
2413
18



13
2413
18



唐類函卷六十一

明東吳俞安期彙纂

明丹陽姜士昌校訂

封爵部一

封爵總載

親戚封

○封爵總載一杜氏通典

昔黃帝匆行天下分建萬國至于唐虞別為五等曰

公侯伯子男則虞書所謂輯五瑞修五玉是其制也

五瑞即公侯伯子男之瑞珪璧也五玉亦五等諸侯所執之玉夏與唐虞同殷制天

子之畿方千里公侯百里伯七十里子男五十里不

能五十里者不合於天子附於諸侯鄭玄云此地殷所因夏爵三等

封爵

卷六十一

一

封爵總

制之凡四海之內九州州方千里州建百里之國三十
 七十里之國六十五十里之國百有二十凡二百一
 十國名山大澤不以封其餘以為附庸閒田凡九州
 千七百七十三國千國之外設方伯五國以為屬屬
 有長十國為連連有帥三十國為卒卒有正二百一
 十國以為州州有伯八州八伯五十六正百六十八
 帥三百三十六長八伯各以其屬屬於天子之老二
 人分天下以為左右曰二伯千里之內曰甸千里之
 外曰采○周制封王者後凡有功之諸侯大者地方
 五百里侯四百里伯三百里子二百里男百里所因殷之

諸侯亦為黜陟之其小者皆益之地為百里是以周有爵尊而國小爵卑而國大者唯天子畿內不增

方千里曰王畿其外方五百里曰侯服又其外方五
 百里曰甸服又其外方五百里曰男服又其外方五
 百里曰采服又其外方五百里曰衛服又其外方五
 百里曰蠻服又其外方五百里曰夷服又其外方五
 百里曰鎮服又其外方五百里曰藩服周之初列爵
子男分土唯三公侯方百里伯方七十里子男方五
十里並因殷制至周公攝政制禮作樂列爵分土皆
五等公五凡諸侯世子世國大夫不世爵使人以德
爵以功謂縣內及列國諸侯為天子未賜爵視天子
大夫者不世爵而世祿避賢○秦制爵二十等以賞
列國及縣
內之國

功勞二十徹侯十九關內侯顏師古曰言有侯號而居京畿無國邑也

綽百官表注曰時天國未平將帥皆家關中故以為號劉昭曰關內侯無土寄食在所縣民租多少各有

戶數為限如淳釋曰列侯出關就國也但爵其身有家累者與之關內之邑食其租稅又有倫侯建成

侯趙亥呂武侯馮無擇是也但有封名而無食邑戰

國之際秦項之間權設班寵有加賜邑君者蓋假其

位號或空受其爵耳則田嬰為靖郭君白起為武安

君魏冉弟為華陽君秦昭王弟為涇陽君及高陵君

蔡澤為剛成君其後項梁為武信君陳餘為成安君

李左車為廣武君之類是也至漢尤多蓋在封爵之

外別加○漢興設爵二等曰王曰侯皇子而封為王

者其實古諸侯也故謂之諸侯王子子弟封為侯者

謂之諸侯群臣異姓以功封者謂之徹侯大者不過

萬家小者五六百戶以為差降古分土而無分民自

漢始分民而諸王國皆連城數十踰於古制其諸侯

功德優盛朝廷所敬異有賜特進者其位在三公下

其次列位有功德天子命為諸侯者謂之朝侯其位

次九卿下皆平冕文衣侍祠郊廟其稱侍祠侯者但

侍祠而無朝位其非朝侯侍祠而以下土小國或以

肺腑宿親若公主子孫或奉先侯墳墓在京師者亦

隨時見會謂之猥諸侯凡諸侯王皆金璽蓋綬古者印璽

通名今則尊卑有別掌治其國王常冠遠遊冠綬五采而多朱

自稱曰寡人教曰令又令諸王得推恩封子弟為列

侯於是齊分為七趙分為六梁分為五淮南分為三

又令諸侯十月獻酎金不如法者國除其縣邑皆別屬他郡千戶置家丞不欲者聽之作左官之律附益之法自後諸侯王唯得衣食租稅至成帝綏和元年省內史更令相治民大司空何武奏罷內史相如太守中尉如都尉參職是後中尉爭權與王相常不和漢初論功封列侯者凡百四十有三人蕭何冠外戚與定天下侯者二人凡列侯金印紫綬大者食縣小者食鄉亭得臣其所食吏民食邑者除租每戶一歲更輸錢二百○後漢爵亦二等皇子封王其郡為國其列侯雖鄧寇元勳所食不過四縣為侯國舊制列侯奉朝請在長安者皆位次三公中興以來

唯以功德賜位特進者次車騎將軍賜位朝侯次五校尉賜位侍祠侯次大夫其餘以肺腑及公主子孫或奉墳墓亦為猥諸侯明帝為四姓小侯開立學校置五經師外戚樊氏郭氏陰氏馬氏諸子弟立學號曰四姓小侯以非列侯故曰小侯禮記曰庶方小侯亦其義也諸王封者受茅土歸以立社胡廣曰諸侯受封皆受茅土歸立社稷本朝為宮室自有制度罪侯歸國不得臣吏民至獻帝建安初封曹操為費亭侯亭侯之制自此始也二十年曹公始制名號侯至五大夫與舊列侯關內侯凡六等以賞軍功○魏黃初三年初制封王之庶子為鄉公嗣王庶子為鄉侯公之庶子為亭伯其後定制凡

國王公侯伯子男六等次縣侯次鄉侯次亭侯次關
 內侯又置名號侯爵十八級關中侯爵十七級皆金
 印紫綬關外侯爵十六級銅印龜紐墨綬五大夫十
 五級銅印環紐亦墨綬自關內侯皆不食租虛封爵
 自魏始○晉亦有王公侯伯子男六等之封晉令有
開國郡
公縣公郡侯縣侯伯子男及鄉
亭關中關內外等侯爵凡九等武帝受禪之初太始
 元年封建子弟為王二十餘人以郡為國邑二萬戶
 為大國置上中下三軍兵五千人邑萬戶為次國置
 上軍下軍兵三千人邑五千戶為小國置一軍兵千
 五百人王不之國宮於京師罷五等之制公侯邑萬

戶以上為大國五千以上為次國不滿五千戶為小
 國初雖有封國而王公皆在京師咸寧三年詔徙諸
 王公皆歸國時楊珧荀勗以齊王攸有時名懼惠帝
有後難乃追故司空裴秀立封建之旨
遂詔王公
悉令歸國中尉領其兵平原汝南瑯琊扶風齊為大
 國梁趙樂安燕安平義陽為次國其餘為小國皆制
 所近縣益滿萬戶又為郡公制度如小國王中尉領
 兵郡侯如不滿五千戶王置一軍千一百人亦中尉
 領之于時唯特增魯國公戶邑追進封故司空博陵
 公王沈為郡公鉅平侯羊祜為南城郡侯又南宮王
 承隨王萬各於太始中封為縣王邑千戶至是改正

縣王增邑為三千戶制度如郡侯亦置一軍自此非皇子不得為王而諸王之支庶皆王家之近屬至親亦各以土推恩承其大國次國始封王之支子為公承封王之支子為侯繼承封王之支子為伯小國五千戶始封王之支子及始封公侯之支子皆為男非此皆不得封其公之制度如五千戶國侯之制度如不滿五千戶國亦置一軍千人中尉領之伯子男以下各有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍為常大國中軍二千人上下軍各千五百人次國上軍

二千人下軍千人其未之國大國置守士百人次國八十人小國六十人郡侯縣公亦如小國制度既行所增徙各如本秦既遣就國而諸公皆戀京師涕泣而去及吳平後齊王攸遂之國凡名山大澤不以封鹽鐵金銀銅錫始平之竹園別都宮室園囿皆不為屬國其仕在天朝者與之國同諸人作卿士而其世子年已壯者皆遣蒞國其王公侯以下茅社符璽車旗命服一如太始故事凡王金印龜紐練朱綬遠遊三梁冠絳紗朝服佩山玄玉郡公縣公金章阜朱綬綬郡侯青朱綬同進賢三梁冠絳朝服佩山玄玉開國縣侯伯子男金章朱墨綬亦同初武帝踐阼封宣帝孫永為東莞郡王始置二

卿侯以下置官屬隨國大小無定制諸侯並三分食

邑○東晉元帝大興元年始置九分食元帝以西陽王羨屬

尊元會特為設牀明帝以羨皇室元老特為之拜○宋氏一用晉制凡王子

為侯者食邑皆千戶諸王世子皆金印紫綬進賢兩

梁冠佩山玄玉初江夏王義恭為孝武所忌憂懼故

奏革諸侯廳事不得南向坐國官正冬不得跣登國

殿及夾侍障扇不得雉尾劔不得鹿盧形但馬不得

過二諸侯常行車前後不得過六隊白直夾隊不在其限刀不

得過銀銅為飾諸王子繼體為王者婚葬吉凶悉依

諸國公侯之禮不得同皇弟皇子至孝建中凡國官屬不得稱臣於其

主改稱下官○齊封爵史闕○梁封爵亦如晉宋之制諸

王皆假金獸符第一至第十九諸公侯皆假銅獸符

竹使符第一至第五名山大澤不以封鹽鐵金銀銅

鐵錫及竹園別都宮室園囿皆不以屬國諸王言曰

令境內稱之曰殿下公侯封郡縣者言曰教境內稱

之曰第下自第下稱皆曰寡人相以下公文上事皆

詣典書世子主國其文書表疏儀式如臣而不稱臣

文書下郡官皆言告諸王公侯國官皆稱臣上於天

朝皆稱陪臣有所陳皆曰上疏其公文曰言事○陳

置九等郡有王嗣王藩王開國郡縣公開國縣侯開

封爵總

國縣伯開國縣子開國縣男沐食侯鄉亭侯關內侯
 關外侯凡十二等鄱陽王之封也遣度支尚書蕭睿
 持節兼太宰告于太廟五嶽尚書王質持節兼太宰
 告于太社凡親王起家則為侍中若將軍方得有佐
 吏無將軍則無府止有國官皇太子子家嫡者封王
 依諸王起家餘子並封公起家中書郎諸王子并諸
 侯代子起家給事王公子起家員外散騎侍郎令僕
 子起家秘書郎若員滿亦為板法
 曹雖高半階資給秘書郎下次令僕子起家著作佐
 郎亦為板行參軍此外若有諸州主簿太學博士國
 常侍奉朝請嗣王府參○後魏有王開國郡公散公
 軍並起家官未令發詔

元年始封五等至天錫元年減五等之爵始分為四
 曰王公侯子除伯男之號皇子及異姓元功上勳者
 封王皇族及始藩王皆降為公諸公降為侯侯子亦
 此為差於是封王者七十人公者二十二人侯者七
 十九人子者百有三人王封大郡公封小郡侯封大
 縣子封小縣其後復加伯男焉○北齊有王公侯伯
 子男六等之爵王位列大司馬上非親王則在三公
 下封內之調盡以入臺三分食一公以下四分食一
 ○後周制封爵郡縣亦有公侯伯子男五等爵者皆
 加開國授柱國大將軍開府儀同者並加使持節大

都督○隋開皇中制國王郡王國公郡公縣公侯伯

子男凡九等

樊子蓋進爵封為齊公言其功濟天下特為立名無此郡國

至煬帝

唯留王公侯三等餘並廢之皇伯叔昆弟皇子是為

親王○唐有國王郡王國公郡公開國郡公縣公開

國侯伯子凡九等高祖初受禪以天下未定廣封宗

室從弟及姪年始孩童者數十人皆封為郡王太宗

即位謂侍臣曰徧封宗子於天下便乎尚書右僕射

封德彝對曰不便歷觀往古封王者今日最多兩漢

以降唯封帝子及親兄弟若宗室踈遠者非有大功

如周之郇滕漢之賈澤並不得濫叨名器所以別親

踈也先朝敦睦九族一切封王爵命既崇多給力役

蓋以天下為私殊非至公馭物之道也太宗然之於

是率以屬踈爵降惟有功者數人得王餘並封縣公

貞觀十一年六月詔荆王元景等二十一王為諸州

都督刺史咸令子孫代代承襲非有大故無或黜免

其後並不願行乃止後定制皇兄弟皇子為王皆封

國之親王

龍朔二年制諸王子嫡者封郡王任職從四品下叙其眾子封郡公從五品上叙貞

觀中王珪奏曰三品以上遇親王於塗皆降乘違法

申敬有乖儀准太宗曰卿皆自尊而卑吾子乎魏徵

曰自古迄今親王班次三公之下今三品皆天子列

太子男封郡王其庶姓卿士功業特盛者亦封郡王

封爵

乙

封爵總

封爵
自至德元年至大曆三年封其次封國公其次有郡
異姓為王者凡百一十二人
縣開國公侯伯子男之號亦九等並無官土其加實
封者則食其封分食諸郡以租調給自武德至天寶實封者百餘家
自至德二年至大曆三年食實封者二百
六十五家凡食四萬四千八百六十戶
開元四年
三月制諸封國自始封至曾孫者其封戶三分減一
十年凡諸王以下所食封邑皆以課戶充州縣與國
官邑官共執文帳准其戶數收其租調均為三分其
一入官其二入國公所食邑則全給焉二十年五月
敕諸食邑實封並以三丁為限不須一分入官其物
乃令封隨庸調送入京

封爵總載二藝文類聚

周易曰我有好爵吾與爾縻之 又曰利建侯 尚
書曰爵罔及惡德惟其賢 周禮曰諸公之地封疆
方五百里其食者半諸侯之地封疆方四百里其食
者參之一諸伯之地封疆凡三百里其食者參之一
諸子之地封疆方二百里其食者四之一諸男之地
封疆方百里其食者四之一 又曰王作六瑞以等
邦國公執桓圭侯執信圭伯執躬圭子執穀璧男執
蒲璧 又曰典命掌諸侯之五儀諸臣之五等之命
上公九命其國家宮室車旗衣服禮儀皆以九為節

侯伯七命其國家宮室車旗衣服禮儀皆以七為節
子男五命其國家宮室車旗衣服禮儀皆以五為節
左傳曰齊莊公為勇爵殖綽郭最欲與焉州綽曰
東闔之役臣左驂追還於門中識其枚數其可以與
乎公曰子為晉君也對曰臣為隸新逸周書曰能
移於衆與百姓同謂之公又曰能樹名生物與天
道俱謂之侯又曰齊衆時作謂之伯白虎通曰
景風至爵有德封有功又曰受命之王致太平之
美羣臣上下之功故盡封之及中興征伐大功皆封
盛德之士亦封之以德封者必試之為附庸三年有

功因而封之五十里元士有功者亦為附庸也其位
大夫有功成封五十里卿成封七十里公成封百里
又曰王者卽位先封賢者憂民之急也故列土分
疆非為諸侯張官設府非為卿大夫皆為民也孝
經援神契曰侯侯也所以守蕃也孟子曰有天爵
有人爵仁義忠信樂善不倦此天爵也公卿大夫此
人爵也古之人修其天爵而人爵從之今之人修其
天爵以要人爵既得人爵而棄天爵則惑之甚者也
呂氏春秋曰太公望封於齊周公旦封於魯二君
者甚相善也相謂曰何以治國太公望曰尊賢上功

封爵 卷之十一
周公曰親親上恩太公曰魯自此削矣周公曰魯雖削有齊者亦必非呂氏也其後齊日以大至於霸二十四世而田氏有齊國魯日以削至於僅四十四世亡管子曰爵不尊祿不重者不與圖難犯危以其道爲未可以求之也是故先王制軒冕足以著貴賤不求其美設爵祿足以守其服不求其親使君子食於道小人食於力淮南子曰爵祿者人臣之銜轡也表子曰今有卿相之才居三公之位修其政治以寧國家未必封侯也今軍政之法斬一牙門將者封侯夫斬一將之功孰與安寧天下者乎夫斬一將

之功者封侯失封賞之意也商君書曰明主之所貴唯爵爵賞不榮其民不急列爵不顯則民不事爵易得則民不貴祿賞不道則民不以死爭位也又曰凡人主之所以勸民者官爵也國之所以興者農戰也今民求官爵皆不農戰而以功言虛道此謂勞民者其國必削鹽鐵論曰昔太公封營丘之墟辟草萊而居焉地薄人少於是通利末之道極女工之功是以鄰國交於齊財蓄貨殖世爲疆國管仲相桓公襲先君業輕重之變南服彊楚而霸諸侯史記曰殷以前尚矣周封五等公侯伯子男然封伯禽康

叔於魯衛地各四百親親之義褒有德也太公兼五
侯地尊勤勞也 又曰騶忌見威王王說之三月而
受相印淳于髡見之曰善說髡有愚志願陳諸前髡
說畢趨出至門而面其僕曰是人者吾與之微言五
其應我若響之應聲是必封不久矣 漢書曰李廣
與望氣王朔語曰漢擊匈奴廣未嘗不在其中而諸
侯校尉已下材能不及中人以軍功取侯者數十人
廣不為後人然終無尺寸功以得封邑者何也豈吾
相不當侯耶朔曰將軍自念豈嘗有所恨者乎廣曰
吾為隴西太守羌嘗反吾誘降八百餘人詐而同日

殺之至今恨獨此耳朔曰禍莫大殺已降此乃將軍
所以不得侯也 漢官儀曰皇后父兄率為特進侯
朝會位次三公故章帝啓馬太后曰漢典舅氏之封
侯猶皇子之為王其功臣四姓為朝侯侍祠侯皆在
卿校下 漢雜事曰天子太社以五色為壇封諸侯
者取其土苴以白茅授之各以所封方之色以立社
於其國故謂之受茅土漢興唯皇子封為王者得茅
土其他臣以戶賦租入為節不受茅土不立社 東
觀漢記曰上封功臣皆為列侯大國四縣餘各有差
博士丁恭等議曰古帝王封諸侯不過百里故利以

建侯取法於雷強幹弱枝所以爲治也今封諸侯四縣不合法制上曰古之亡國皆以無道未嘗聞功臣地多而滅亡者乃遣謁者卽授印綬又曰馮勤使典諸侯封事勒差量功次輕重國土遠近地勢豐薄不相踰越莫不厭服焉自是封爵之制非勤不定後漢書曰張安世自昭帝時封爲富平侯傳國至八代孫吉無嗣國除經歷篡亂二百年間未嘗譴黜封者莫與爲比百官表注曰五等諸公周官金章朱綬朱質四采玄文織百四十首廣尺四寸長一丈六尺朝服進賢三梁冠官品第二地方七十五里位視

三公班次邑三千八百戶國秩絹千八百匹妾六人車前司馬十四人旅賁五十人又曰縣侯漢官也自縣侯而下通號列侯金章紫綬朝服進賢三梁冠官品第三光武中興論功封大功臣吳漢鄧禹各四縣賈復朱浮三縣耿弇等二十九人又曰縣侯有家丞庶子之官列侯皆亦如之漢官解詁曰列侯本爲徹侯避武帝諱曰通侯舊時文書或爵通侯是也後更曰列侯今俗人或都言諸侯乃王爾非此也列侯歸國不受茅土不立宮室各隨貧富裁別庶以守其寵環濟要略曰爵有五等公者無人也故文

背么為公 又曰伯把也把持政事也 又曰子猶
 孳孳恤下之稱也 又曰男任也任治政事受王命
 為君也 謚法曰執應八方曰侯 相書曰天中容
 半印封侯 又曰天中正晉如刀者封侯

封爵總裁三 北堂書鈔

爵以馭貴 周禮太宰職云一爵以辨貴
 辨貴也 以賢制爵 周禮司徒職云以賢以德詔爵
 著德極才 白虎通云必封諸侯何重民之至也善其
 德極其才上以尊天子稱藩論功封爵 晉百官表注
 輔下以子養百姓施行其道 論功封爵
 論功封爵 易王三錫命建萬國

樹屏 書 開國承家 易 以蕃王室 書 蕃衛天子 史記高

表序云書曰協和萬國遷于夏商或數千歲蓋周封
八百幽厲之後見於春秋尚書有唐虞之侯伯歷三
代千有餘載自全以蕃衛天取象剛柔曰王者之制
子豈非篤於仁義奉上法哉
公侯伯子取法於雷聚類國及苗裔
男五等
使黃河如帶泰山若礪國以永寧爰及苗裔
劭注曰帶衣帶也礪砥石也河當何時如衣帶山當
何時如礪石言如
帶砥國乃絕耳
周道興隆三聖制法立爵五等
則周公宅魯康叔啓衛賢表德則太公封齊也
 制土三等 白虎通云制土三等何
 圭之爵 司馬相如喻巴蜀傲云夫邊郡之士觸白刃
析圭為爵位為
通侯居列東第
 大侯萬家 史記高祖功臣表序云漢

天下初定故大臣名都散亡戶口可得而數者十二三是以大侯不過萬家小者五六百戶地方

百里大小相維萬國相維表功云五等法五行

三等法三光並白通斬一將封侯類聚從無爵封侯

王粲爵論云後世賞人不由名山大澤不以封通曰

等級從無爵封為列侯也不使一國獨專也山林巖險

之以饒水泉之利千里相通所以均有無贍不足

之邑不以封魏書相國國為已上眾皆我民陸機云

則知國為已五命賜則七命賜國周禮大宗伯職曰

土眾皆我民一命受職再命受服三命受位四命受器五

命賜則六命賜官七命賜國八命作牧鄭注云謂侯

案鄭注云則者法也出為子八命作牧伯有功德者

加命得專征九命作伯鄭注云上公有功德者加命

伐於諸侯九命作伯鄭注云上公有功德者加命

受命器於王室左傳錫介圭以作寶詩嵩高篇錫爾介

尺二爵人於朝與士共之曰虎通云爵人於朝者示

也封侯於廟不自專也又云封諸侯於廟者示不自

事必告焉任事然後爵之禮王制篇云任事然後爵稱人

美則爵之禮記封諸侯以夏養賢也何陽氣盛養賢故封

諸侯盛養賢也封立繼世以立諸侯象賢也白虎金

人君陽德之盛者繼世以立諸侯象賢也通白虎金

路九就同姓以封周禮中車職云掌公車之政令辨

出入王之五路一曰玉路錫樊纓九就建太常

十有二旂以祀金路鉤樊纓九就建太常

封象路七就異姓以封建大赤以朝異姓以封革路

龍勒以封四衛建大白以即戎以封四衛木路鵠纓

封爵總

以封蕃國

又云木路前樊鵠纓建大麾以田以封蕃國

封建總載四帖

建德

天子建德注德諸侯策勲則治制域周禮凡建邦國以

域連城

後漢寧融封曰子頽純賜履注所踐履之

也執圭

公執桓圭正封天子建國諸侯正就國父封

齊就國

道宿行屣逆旅人曰客寢甚安殆非就國也

爭營

藩屏以藩屏周夾輔周懷柔猶曰莫若兄弟故

封建之

其懷柔天子建置傳子產云陪敦敦厚昵近親

也疏爵

賈之高爵上皆高爵也啓爾宇爾宇大啓圖爾

居

詩我圖爾居莫如告后土周禮大宗伯王大私湯

沐

漢高時大饑自天子至封君其湯沐封都鄉澤字

德潤

以儒學勤封不義彭寵蒼頭子密殺桐圭之戲

成王

戲剪桐葉為圭封鵲印之封也朕膳之禮周

唐叔

詳後親戚封中鵲印之封也朕膳之禮周

親兄弟

之禮帶礪之誓見書世及之祚立子國除之

典者

漢制有罪封以上地周禮典瑞土圭以致四時日

侯以

土圭測日景觀錫之山川詩列爵惟五五等諸

分土

惟三小諸侯之國大親踈並建雜居功德有加

禮

者加地禮十有五人武王克商建兄弟三十六郡

史承

相縮言燕齊荆地遠請立王而鎮之李斯曰諸

子功

臣重賞賜之甚易制天下無異意安寧之術也

爵議

是遂分天下為三十六郡不削而弱削諸侯權

請推恩封子弟人當刑而王黥布少時人相曰當刑

人喜不削而弱當刑而王後果坐法黥布心

喜天誘歸國蒯瞶歸國使告於王曰地足容人古者

封諸侯其地足蒯瞶歸國使告於王曰地足容人古者

以容其人穀梁同姓異姓封異姓以封益地削地禮

侯有功則割地歸田以益之降虜悉封景帝欲封

有罪則削地歸田以益之降虜悉封景帝欲封

夫議不可者志曰渡遼擅封後漢梁懂為渡遼將軍

侯授以印綬坐不得專封穀梁城楚立封衛非天子

不與故曰惟乃服命疇其爵邑疇者弄邑修其禮

仁不勝道惟乃服命疇其爵邑疇者弄邑修其禮

物不合於天子以國附於大國不能自以行其道

也庸建於上公書曲阜方七百里禮成王以周公

封周公於曲阜之地樂鄉多四百頃漢匡衡字稚圭

方七百里華車千乘樂鄉多四百頃漢匡衡字稚圭

樂安鄉郡國誤分界多四百頃衡後封臨淮郡之國

遣人之僮收田租穀九千石司隸劾衡專地盜土以

自益免有分土無分民謂地理志分民出六奇益六邑

為庶人有分土無分民謂地理志分民出六奇益六邑

陳建立子孫藩屏社稷高皇錫以土田命之車

服建邦啓土裂地開國史義先立愛仁不遺

親建賢立德錫壤開封綏麟趾之族廣犬

牙之封厚骨肉之恩重山河之誓宗子維城

之固本枝磐石之安齊昨太師永表東海公晉

登侯伯大啓南陽文公分茅錫土地列犬牙疏爵

建侯位崇龍額龍額定遠周建懿親五等列爵漢

封異姓八國皆王高祖定天下功臣周室將遷必依

晉鄭之國 漢家保定亦因齊楚之功 五等開封
周乃寵諸兄弟 七王建國漢則祚及子孫

梁任昉初封功臣詔曰草昧權輿事深締構康從
成務義在庇民自非羣才並軌文武宣翼將何以啓
茲景祚弘此帝圖或運籌帷帳經啓王業或攻城略
野殉義忘生或腹心爪牙折衝禦侮忠勤茂德夷險
一致並宜建國開宇蕃屏王室山河之誓永永無窮
論後魏王粲爵論曰依律有奪爵之法此謂古者爵
行之時民賜爵則喜奪爵則懼故可以奪賜而法也
今爵事廢矣民不知爵者何也奪之民亦不懼賜之

民亦不喜是空設文書而無用也今誠循爵則上下
不失實而功勞者勸得古之道合漢之法以貨財爲
賞者不可供以復除爲賞者租稅損減以爵爲賞者
民勸而費省故古人重爵也 晉陸機五等論曰五
等之制始於黃唐郡縣之治創自秦漢得失成敗備
在典謨是以其詳可得而言夫先王知帝業至重天
下至廣廣不可以偏制重不可以獨任任重必於借
力制廣終因乎人於是乎立其封疆之典財其親踈
之宜使萬國相維以成磐石之固宗庶雜居而定維
城之業知其爲人不如厚已利物不如圖身安上在

於悅下為已在乎利人是以分天下以厚樂而已得與之同憂饗天下以豐利而我得與之共害故諸侯享食土之實萬國受世及之祚夫然則南面之君各務其治世治足以敦風道衰足以禦暴故彊毅之國不能擅一時之勢雄俊之民無所寄霸王之志降及亡秦棄道任術懲周之失自矜其得尋斧始於所庇制國昧於弱下國慶獨享其利主憂莫與共害雖速亡趣亂不必一道頗沛之釁實由孤立是蓋思五等之小怨忘經國之大德知陵夷之可患閭土崩之為痛漢矯秦枉大啓侯王境土逾溢不遵舊典是以諸

侯阻其國家之富憑其士民之力勢足者反疾土狹者逆遲六臣犯其弱網七子衝其漏網皇祖夷於黥徒西京疾於東帝是蓋過正之災而非建侯之累也

○親戚封

藝文類聚

毛詩曰乃命魯公俾侯于東錫之山川土田附庸又曰奄有龜蒙遂荒大東至於海邦淮夷來同左氏傳曰王將以狄伐鄭富辰諫曰不可臣聞之太上以德撫民其次親親以相及也昔周公弔二叔之不咸故封親戚以蕃屏周管蔡邴霍魯衛毛聃郤雍曹滕畢原鄆郇文之昭也邗晉應韓武之穆也凡將邢

茅胙祭周公之胤也 孟子曰象至不仁封諸有庠
仁人之於弟也不藏怒焉不宿怨焉親愛之而已矣
親之欲其貴也愛之欲其富也封之有庠者富貴之
也身為天子弟為匹夫可謂親愛之乎 帝王世紀
曰成王元年周公為冢宰攝政王生少未能治事故
號曰孺子八年春正月朔王始躬政事以周公為太
師封伯禽于魯父子並命周公拜於前魯公拜於後
王以周公有勲勞於天下故加魯以四等之土兼二
十四附庸地方七百里 史記曰成王與叔虞戲削
桐葉為珪予虞曰以唐封汝史佚因言請擇日立叔

虞成王曰吾與之戲耳史佚曰天子無戲言言則史
書之禮成之樂歌之於是遂封叔虞於唐 漢書曰
漢興之初尊王子弟大啓九國京師內史凡十五郡
公主列侯頗邑其中蕃國大者跨州兼郡連城數十
宮室百官同制京師諸呂之難賴於諸侯也

親戚封二

北堂書鈔

王者始起封諸侯昆弟

白虎通云王者始封諸侯昆弟示與已共財之義故可以

共土也

天下太平乃封親屬

又云天下太平乃封親屬者示不私也 割名

都以建周親

後漢書章帝紀論云章帝割裂名都以崇周親 推私恩以分子

弟

史記王子侯表序云制詔御史諸侯王或欲推私恩分子弟邑者令各條上

並建母弟

封爵

卷六十一

二十一

親戚封

左傳云召伯盈遂王朝奔楚使告於諸侯曰昔以輔

武王克殷成王靖四方康王息民並建母弟也

王室史記諸侯年表曰武王成康所封數百而周姓

褒有德又曰周封伯禽康叔於魯愛所愛韓詩外傳

天下立國七十二姬姓獨居五十五周之子孫苟不

狂惑莫不為天下顯者侯夫是之謂能愛其所愛矣

犬牙相制漢文帝紀云高帝王子弟地封域相近起

帝詔武承衛天子史記天下一初定骨肉同姓少故廣

也蕃輔京師或以適削地名山波海咸納於漢諸侯

稍微大國不過十餘城小侯不過數十里上足以奉

貢職下足以供祭祀以蕃輔京師索隱曰適音宅或

作淮南四子漢淮南王傳云孝文八年憐淮南王王

後侯子勃為安陽侯子賜齊王七人漢書文帝紀云

王肥子七桓公封鄭史記鄭世家云鄭桓公友者周

人為列侯桓公封鄭厲王少子而宣王庶弟也宣王

立二十二年周章君吳又吳太伯仲雍之後得周章以

友初封於鄭周章君吳求太伯仲雍之後得周章以

而封之封之於畢又魏世家云畢公高與封之韓原

又韓世家云韓之先與周同姓其後悔者不信說苑

苗裔事晉得封於韓原曰韓武子以此封魯周公

武王與幼弟戲於地得葉以與弟曰以此封魯周公

曰選日王曰戲耳不封也周公曰子者重言封人而

悔者不信於粲然不殊漢書宣帝詔曰蓋聞象有罪

是遂封之粲然不殊舜封之骨肉之親粲然不殊

其封故昌邑王賀為海昏侯如淳曰粲或作散殊或

作誅案師古注曰粲明也殊絕也當明於仁恩不離

絕封周公於曲阜史記魯世家云曲阜封康叔於河

封爵

卷六十一

二二

親戚封

淇又衛世家云以武庚餘民封康克庸祇德邦之手

蔡書蔡仲命篇曰惟周公位冢宰羣叔流言乃致辟

管叔于裔囚蔡叔于郭隣蔡仲克庸祇德周公以

為卿士叔卒乃命建爾元子俾侯于魯詩閔宮篇云諸王邦之於蔡也

爾元子俾侯于魯大啓爾宇為周室輔毛萇注王成王元子首子也叔父謂周公也封首子伯禽也周

公宅魯康叔啓衛晉百官表注云周道與隆三聖制法以懿親建國則周公宅魯云云

太宗維蕃宗子維城詩周公拜前魯公拜後公羊傳曰世室

者何魯公之廟也周公稱太廟魯公稱世室羣公稱官曷為謂之世室世世不毀也周公何以稱太廟於

魯封魯公以為周公也周公拜乎前魯公拜乎後曰生以養周公死以為周公也周公主然則周公之魯乎曰不

之魯也封魯公以為周公也周公主然則周公之魯乎曰不

公曷為不之魯欲天下之一乎周也

詔魏明帝詔曰古之帝王封建諸侯所以蕃屏王室

也詩不云乎懷德維寧宗子維城秦漢繼周或強或弱俱失厥中大魏創業諸王開國隨時之宜未有定

制非所以永為後法也其改封諸王皆以郡為國

梁任昉武帝追封永陽王詔曰亡兄德履冲粹識業

深通徽聲善譽風流籍甚道長世短清塵緬邈感惟

既往永慕慟心可追封永陽郡王 又追封丞相長

沙王詔曰夫褒崇名器率由舊章光昭德祀永世作

則亡兄道被如仁功深微管懸諸日月久而彌新故

能拯龜玉於已毀導涸源於將塞今理運惟新賢戚

並建感惟永遠觸目崩心可追封長沙郡王 又追

封衡陽王桂陽王詔曰亡弟暢風標秀特器體淹弘

朱方之役盡勤王事策出無方物惟不賞亡弟融業

行清簡風度閑綽蚤優名輩夙廣令聞朕應天紹命
君臨萬寓祚啓郇滕感興魯衛事往運來永懷傷切
暢可追封衡陽郡王融可追封桂陽郡王 又封臨
川安興建安等五王詔曰神州帝城冠冕列岳渚宮
樊鄧形勝是歸居中作衛翼宣戎重隆茲寵號寔允
舊章並非親勿居惟賢斯授宏朕之介弟早富德譽
董一蕃政緝是嘉庸國禮家情瞻寄隆重季風穎雋
邁誠業標簡任居蕃翰政以化成偉體韻淹穆神寓
凝正經綸夷險參贊王業 陳徐陵始興王詔曰漢
祖天倫伯叔追封晉元世系琅邪傳國仰惟二后重

光率由前典朕昔因蕃次蒙繼本宗分在要荒久離
寒燠天嘉紹祚別命皇枝歸自嶠函禮隔登獻每至
霜庭可履矚垣寢而懷悲風樹鳴條望章陵而增感
今嗣王垂德獲罪慈訓永言主奠宜自朕躬但國步
時艱皇基務切復奉家業升纂帝圖重違情理言深
哽慟可以第二皇子升陵為始興王

策漢武帝使御史大夫策諸子立閔為齊王曰於戲
小子閔受茲青社朕承祖考道惟稽古建爾國家封
于東土世為漢蕃輔於戲念哉共朕之詔唯命不于
常人之好德克明顯光義之不圖俾為君子無怠爾

心允執其中 又立子曰為燕王曰小子旦受茲玄
社建爾國家封于北土 又立子胥為廣陵王曰小
子胥受茲赤社建爾國家封于南土戰戰兢兢乃惠
乃慎無伺好佚無邇小人

章魏曹植改封陳王謝恩章曰臣既弊陋守國無效
自分削黜以彰眾誠不意天恩霽霽潤澤橫流猥蒙
加封茅土既優爵賞必重非臣虛淺所宜奉受非臣
灰身所能報塞 又封二子為公謝恩章曰詔書封
臣息男苗為高陽鄉公志為穆鄉公臣伏自惟文無
升堂廟勝之功武無摧鋒接刃之效天時運幸得生

貴門遇以親戚少荷光寵竊位列侯榮耀當世顧影
慙形流汗反側洪恩罔極雲雨增加既榮本榦枝葉
并蒙苗志小豎既頑且稚猥荷列爵並佩金紫施崇
一門惠及父子 齊謝朓為宣城公拜章曰惟天為
大日星度其象謂地蓋厚河岳宣其氣斯冤旒所以
貞觀袞職所以代終慙下穆而上尊豈南征而北怨
何以克詠九歌載宣七德銘彼旂常勒斯鐘鼎

表魏曹植謝初封安鄉侯表曰臣抱罪即道憂惶恐
怖不知刑罪當所限齊陛下哀愍臣身不聽有司所
執待之過厚即日於延津受安鄉侯印綬奉詔之日

且懼且悲懼於不修始違憲法悲於不慎速此貶退
上增陛下垂念下遺太后見憂臣自知罪深責重受
恩無量精魂飛散忘軀隕命 又封鄆城王表曰臣
愚駑垢穢才質疵下過受陛下日月之恩不能摧身
碎首以答陛下厚德而狂悖發露始干天憲自分放
棄抱罪終身苟貪視息無復晷幸不悟聖恩爵以非
望枯木生葉白骨更肉非臣罪戾所當宜蒙俯仰慙
惶五內戰悸奉詔之日悲喜參至雖因拜章陳答聖
恩下情未展 又轉封東阿王謝表曰奉詔太皇太
后念雍丘下濕少桑欲轉東阿當合玉意可遣人按

行知可居不奉詔之日伏增悲喜臣以無功虛荷國
恩爵尊祿厚用無益於時脂車秣馬志在黜放不圖
陛下天父之恩猥宣皇太后慈母之念遷之陛下幸
爲久長計聖旨惻隱恩過天地臣在雍丘劬勞五年
左右罷怠居業向定園果萬株枝條始茂私情區區
實所重棄然桑田無業左右貧窮食裁餬口形有裸
露臣聞古之仁君必有棄國以爲百姓况乃轉居沃
土人從蒙福江海所流無地不潤雲雨所加無物不
茂若陛下念臣入從五年之勤少見佐助此枯木生
華白骨更肉非臣之敢望也饑者易食寒者易衣臣

之謂矣。吳胡綜請立諸王表曰：受命之主繫天而
王建化垂統爲一代制，雖禮有損益，事有質文，至於
崇建懿親，列土封爵，內蕃國朝，外鎮天下，古今同契，
其揆一也。周室之興，寵秩子弟，姬姓之國五十有五，
諸王子受國者漸多，光武中興，四海擾攘，衆諸制度
未徧，而九子受國，明章卽位，男則封王，女爲公主，故
詩曰：既受帝祉，施于子孫。陛下踐祚以來十有二載，
皇后無號，公主無邑，臣下歎息，遠近失望，是以屢獻
愚懷，依據典禮，庶請具陳。足帝聖心，深辭固拒，不蒙
進納，恐天下有識之士將謂臣闇於禮制，不知陛下

下謙以失之也。加今仰夏盛德，在上大吳之慶，於是
乎始開國建號，吉莫大焉。唯陛下割謙謙之德，副兆
民之望，留臣祐許天下，幸甚。晉孫毓賀封諸侯王
表曰：臣聞軒轅二十五宗，黃祚以繁，姬姓建國七十
周過其曆，故禦侮莫如同德。伏惟陛下聖哲欽明，稽
乾作則，越五超三，與靈協契，天祚明德，克昌祚胤。秦
王楚王淮南王光濟頌美冠于羣后，改建大國分鎮
方岳，皇太子皇孫並啓土宇，培敦道索制，弘往代內
輔皇畿，外蕃九服，羣生仰德，向風懷義，率土臣妾莫
不稱慶。梁任昉爲蕭侍中拜襲封表曰：詔書拜臣

襲封竟陵郡王臣以凡庸素乏才植皇朝尚德詔爵
惟賢遂復出修職貢入頒卿士但有道之守海外重
局蕃籬近甸無勞擊柝仰閱舊章俯增私感報國承
家豈云萬一

奏宋傅亮尚書八座封諸皇弟皇子奏曰臣聞懿親
廣樹聖主所先明德並建古之休典所以維城皇代
磐石帝基內衛畿服外綏四海者也第某皇弟皇子
等神姿穎哲大成俱茂地均魯衛德兼庸賢顯進徽
號啓建彊宇弘道作屏光翰邦家並可封郡王 宋
謝莊爲尚書八座封皇子郡王奏曰臣聞桐圭睦親
書河汾之策賜帶懷賢敬東平之祚諒以訓經終始
義洽垣墉第某皇弟等器彩明敏令識穎悟並宜憲
章前典光啓祚宇作屏王室式雍帝載臣等參議可
封郡王

唐類函卷六十一 終

唐類函卷六十二

明東吳俞安期彙纂

明丹陽賀學仁校訂

封爵部二

功臣封

死王事子孫封

尊賢繼絕封

恩澤封

外戚封

追封

徙封

異域降附封

婦人封

爵封

遜讓封

○功臣封一

藝文類聚

周官曰司勳掌六卿賞地之法以等其功王功曰勳國功曰功事功曰勞治功曰力戰功曰多凡有功者銘書於王之太常 史記曰古之人臣功有五品以德立宗廟定社稷曰勳以言勞用力曰功明其等曰

伐積日曰閱 又曰武王克紂太公之謀居多於是
武王封尚父於齊營丘成王少時管蔡作亂淮夷叛
周乃使召康公命太公東至海西至河南至穆陵北
至無棣五侯九伯實得征之齊由此征伐大于諸國
又曰召公奭與周同姓武王之滅紂封召公于燕
其在成王時自陝以西召公主之自陝而東周公主
之 又曰鬻熊事周文王早卒當成王之時舉文武
勤勞之嗣乃封其後熊繹于楚 又曰晉獻公伐霍
耿魏滅之因以魏封畢萬爲大夫卜偃曰畢萬之後
必大萬盈數也魏大名也以是始賞天啓之也 又

曰陳完奔齊懿仲欲妻之卜之吉曰是謂鳳皇于飛
和鳴鏘鏘有媯之後將育于姜五世其昌并于正卿
八世之後莫之與京卒妻之完卒謚爲敬仲六世而
至田常田常弑簡公立簡公弟爲平公乃割齊安平
以東爲已封邑始大於齊 漢書曰漢五年尅項天
下乃平始論功侯者百四十有三人時人民散亡大
侯不過萬戶封爵之誓曰使黃河如帶泰山如礪於
是申以丹書之信重以白馬之盟藏之宗廟副在有
司 又曰陳平凡六出奇計輒益封凡六益邑 又
曰高祖封項伯等四人爲列侯賜姓劉氏 又曰項

羽曰吾聞漢購我頭千金邑萬戶吾為公得之乃自
 劉王翳取其頭揚喜呂馬童郎中呂勝楊武各得一
 體故分其地以封五人皆列侯 東觀漢記曰上謂
 耿一作丹曰今關東故王國雖數縣不過櫟陽萬戶
 邑夫富貴不歸故鄉如衣繡夜行故以封卿爾 又
 封竇融曰融允執忠孝扶微救危率厲五郡積兵羌
 胡畢至兵不血刃而虜土崩瓦解功既大矣篤意分
 明斷之不疑吾甚嘉之其以六安安豐陽泉蓼安風
 四縣封融為安豐侯 又曰三輔豪傑入長安攻未
 央宮庚戌殺莽於漸臺東海公賓就得其首傳詣宛

封滑侯 又曰班超字仲升定西域五十餘國乃封
 超為定遠侯 魏志曰夏侯惇字元讓文帝追思惇
 功欲使子孫畢侯分邑千戶賜惇七十二孫皆關內
 侯惇弟廉及子楸素列侯 又曰曹真字子丹以功
 封邵陵侯真少與宗人曹遵鄉人朱讚並事太祖早
 亡真愍之乞分食邑封遵等子詔曰大司馬有叔向
 撫孤之仁篤晏平久要之分聽分賜遵等子爵關內
 侯及真薨明帝悉封真五子皆列侯 又曰太祖表
 封荀彧為萬歲亭侯太祖又與彧書曰君之相匡弼
 君之相為舉人君之相與建計君之相密謀亦已多

矣夫功未必皆野戰也十二年復增邑合二千戶
又曰太祖表封荀攸曰前後剋敵皆攸之謀也於是
封攸陵樹亭侯又曰太祖自柳城還過攸舍稱攸
前後謀謀曰昔高祖使張子房自擇齊三萬戶今孤
亦欲君自擇所封又曰郭嘉字奉孝冀州平封洧
陽亭侯及薨太祖表曰良策未次嘉輒成之平定天
下謀功為高宜增邑并前千戶又曰任峻字伯遠
為典農中郎大興屯田軍國致饒太祖以峻功高表
封都亭侯又曰朱靈字文博封郿侯文帝曰將軍
佐命先帝威過方召平生所志願勿難言靈謝曰高

唐夙所願乃更封高唐侯

功臣封二 北堂書鈔

將率為諸侯 禮樂記云武王克殷 賜子爵關內 魏志
淵傳云以功封都亭侯太祖與淵嘗出關 常全關中 夏侯
右所向無前賜淵子五人皆爵關內侯 常全關中
漢蕭何傳云關中以侯鄂千秋進曰陛下雖數亡山東
蕭何常全關中以侯鄂千秋進曰陛下雖數亡山東
且之功而加 永寧河右 魏志張既傳詔曰卿踰河歷
萬世功哉 永寧河右 險以勞擊逸以寡勝眾功過
南仲勤踰吉甫此勳非但破胡乃 破徐賜趙城 史記
永寧河右使吾無西顧之念矣 破徐賜趙城 趙世
家傳云趙氏之先與秦共祖造父救周賜岐西 又秦
事周穆王攻徐破之乃賜以趙城 救周賜岐西 本紀
云西戎犬戎與申侯伐周殺幽王秦襄公將兵救周
戰甚力有功周避犬戎難東徙維邑襄公以兵送周
平王平王封襄公為諸侯賜之岐 益封霍光 漢書霍
西之地襄公於是始國與諸侯通 益封霍光 光傳光

與丞相敵奏立武帝曾孫病已為孝宣皇帝明年
下詔曰大將軍光守節秉誼以安宗廟益封光萬七
千戶與故所追思張賀為掖庭令而宣帝以皇曾孫
食凡二萬戶
收養掖庭及曾孫壯大賀教詩書為取許妃及宣帝
即位追思賀欲封其家賀子早死安世深辭賀封上曰
小與上同席研書指欲封之故安世乃止遂下詔封賀
吾白為掖庭令非為將軍也安世乃止遂下詔封賀
弟白為掖庭令非為將軍也安世乃止遂下詔封賀
彭祖為陽都侯
食邑多功曰議之上曰大獵追殺獸者狗也而發縱
指示獸處者人也今諸君徒能得走獸耳功狗也至
如蕭何發縱張良次勝又張良傳云漢六年封功臣
指示功人也
籌策帷幄中決勝千里外衛青封三侯又衛青傳帝
子房功也乃封良為留侯
躬率我士師大捷獲匈奴王十有餘人宜封三子侯
青固謝曰臣幸得待罪行間賴陛下神靈軍大捷皆
諸校力戰之功也陛下幸裂地封為三侯非臣待罪行間
祿中未有勤勞上幸裂地封為三侯非臣待罪行間

所以勸士力戰之意也上曰我孫資封本縣魏志云
非忘諸校功也今固且圖之
資歷縣令以軍水草不之漢書張騫傳云騫以校尉
功封本縣也
處軍得博望侯荒戎入貢魏志徐邈傳云西域流
乃封騫博望侯荒戎入貢魏志徐邈傳云西域流
亭侯邑介子誅樓蘭漢書傳介子傳介子皆邈也封都
三百戶介子誅樓蘭漢書傳介子傳介子皆邈也封都
之遣介子賈金幣至樓蘭王隨介子入帳中屏語壯
士二人從後刺之持首詣闕封義陽侯食邑七百戶
延壽使西域或都護驍都尉與副校尉陳湯共斬西
支單于封入臨淄取祭器史記樂毅傳毅破齊攻入
義成侯昭王大悅親至濟上勞軍行賞
之燕燕昭王昌國號為昌國君云
饗士封樂毅於昌國號為昌國君云
成魏志張遼傳云遼為昌國將軍行賞
功曰登山取蘭
清水之難也又于禁傳太祖謂禁曰清水之難吾其急
也將軍在亂能整討暴堅壘有不可動之

寸得
卷六上
功臣封

節雖古名將何以加之於是張遼合肥之役又張遼

錄禁前後功封益壽亭侯 又張遼

詔曰合肥之役遼以步卒八百破賊十萬自古用 曹

兵未之有也其封遼邑百戶賜千一人爵關內侯 曹

休錄前後功又曹休傳太祖曰此吾家千里

詔後漢獻帝詔曰救鎮東將軍領兗州牧費亭侯故

特進顯授上將鈇鉞之任復食舊土雙金之寵董統

一州委成之重榮曜昭示亦以優崇投節効命自百

之秋也又詔書拜鎮東將軍襲費亭侯曹操業履

忠貞輔幹王室頃遭凶暴海內離析操執義討截黃

中為國出命夫祿以賞功罰以紂否今以操為鎮東

將軍領兗州牧襲父費亭侯高爵并印綬符策 魏

文帝冊孫權太子登為東中郎封侯詔曰蓋河洛寫

天意符讖述聖心昭晰著明與天談也故易曰河出

圖洛出書聖人則之孫將軍歸心國朝忠亮之節同

功佐命而其子當為魏將軍著在圖讖猶漢光武受

命李氏為輔王梁孫咸並見符緯也斯乃皇天啓祐

大魏永令孫氏仍世為佐其以登為東中郎將封縣

侯萬戶昔周嘉公旦祚流七胤漢禮蕭何一門十侯

今孫將軍亦當如斯若夫長平之榮安豐之寵方斯

蔑如 陳徐陵進武帝為長城公詔曰德懋懋官功

懋懋賞皇王盛則所謂元龜司空公南徐州刺史長

城縣開國侯諱志懷夔亮風度弘遠體文經武明允
篤誠曩者率五嶺之彊兵誅四海之讐敵固以勦功
彝鼎書勲太常克定京師勤勞自重自鎮撫枌榆永
寧豐沛東涼既息北蔡無歸代馬燕犀氣雄天下裹
糧坐甲固敵是求方欲大討於秦嶺敦修於與睦叶
謀上相爰納朕躬思所以敬答忠勲用申朝典可進
爵為長城縣公

表宋謝靈運謝封康樂侯表曰昔強臣暴虐恃僭曆
紀既噬五都志吞六合遂陷沒西河傾覆南漢凌藉
紀郢跨越淮泗于時策畫惟疑地險已謝咸懼君臣

同泯存生無餘亡祖奉國威靈董符戎重盡心所事
剋黜禍亂功參盤鼎胙土南服逮至臣身值遭秦路
日月改暉榮落代運輸稅唐化生幸無已不悟天道
下濟鴻鈞曲成乃眷遐績式是典徵分虎紐龜復顯
茅土鳴玉拖紱班景元勲澤洽往德恩覃來胤永惟
先蹤遠感崩結豈臣厄弱所當忝承臣聞至公無私
甄善則一皇恩遠被殊代可侔是以信陵之賢簡在
高祖之心望諸之道復獲隆漢之封觀史歎古欽茲
盛美豈謂榮渥近霑微躬傾宗隕元心識其會酬恩
答厚罔知所由 宋顏延之謝子竣封建城侯表曰

伏見策書降錫息竣開國建城縣侯爵踰三等戶越兼千生邀洪禮身茂盛世闔宗革聽盡室改觀誠慙末品誤參其秦臣聞子之能仕父教之忠忠教善信臣實負其前誥能仕志政竣固暗於明試徒以數遇會昌消憂啓聖幸與靈祚福德共從義勲分賞執珪登朝析金受邑慶重慮愆恩往懼積非臣耄蔽所任圖報豈竣庸薄所能奉服 梁沈約謝封建昌侯表曰陛下投袂萬里拯厥塗炭臣雖心不吠堯而迹淪桀犬此則王業始基臣所不與徒荷日月之私竟無蒸燭之用天命玄鳥非止今日受命作周其來久矣

雖復備數樂推與同謳頌而誠微弱草效闕織塵

班山河之誓叨佐命之賞亦何以慰悅帷帳酬報爪牙

○死王事子孫封北堂書鈔

周苛守滎陽死事子成為高景侯漢書高帝文功臣表云周苛守滎陽

罌項羽死事子紀城戰好時死事子通為襄平侯又高

成封為高景侯秦功比平定侯戰好時死事子通封為襄平侯云

孫印擊匈奴死事子單為鉞侯又文帝功臣表云孫

入力戰死事子穆樂擊南越死事子德為龍侯又武

單封為鉞侯臣表云穆樂以校尉擊南越死事子德為龍侯帝功

侯又高祖諸侯功臣表酈食其以客從破秦以列侯入還定諸侯常使約和諸侯賣齊王死事封子齊

為高梁夷吾死事子周為商陵侯景武功臣表云趙共侯

戊反不聽死事封龐德罵關羽死封子為侯魏志云子周為高陵侯

關羽所獲謂曰不早降何謂德罵曰孺子何謂降也

遂關羽所殺太祖謂而悲之流涕封其二子為列侯

馬賢父子同命封孫為侯東觀漢記順帝紀永和六年二月詔故將軍馬賢

前伐西夷寇敵深入父子三人同命其以漢中南鄭之武陽亭封賢孫承先為武陽亭侯食租稅

○封功臣後帖無廢二勲祖父勲也滅武仲曰苟守先祀宜宥十代

賢者之後宜十代何以勸楚滅若敖氏子文之孫箴宥之以勸能者

何以勸尹克黃使於齊復命拘于無後何以勸善也使改命曰生

不宜絕詔曰楚思

減宣鍾繇之封子寢丘史孫叔敖子貧負薪優孟即後不宜絕

敖莊王大驚以為復生也欲以為相孟曰臣婦言

慎母為相昔孫叔敖為相楚王以霸今死其子無立

錐之地莊王於是召敖子封父李侯李同與敢死士

秦軍却李同死為善其懼成季子之勲宣孟之思而封其父為李侯

厥言見墓遂褒後漢明帝詔曰朕出東門見趙武

○德行封北堂書鈔

王者即位先封賢者白虎通云王者即位先封賢者憂人之急也

封以尊有德又云盛德之士封名冠天下當受重賞

東觀漢記光武紀云建武元年詔曰前密令卓茂束身自修執節淳固誠能為人所不能為夫名冠天下

當受天下重賞今以茂為太傅封褒德道以經術漢

侯案東觀記續漢書皆作宣德侯

德行封

卷六十一

蕭望之傳云制詔御史國之將興尊師而重傅故前將軍望之傳朕八年道以經術厥功茂焉其賜望之

爵關內侯食邑六百戶示我德行東觀漢記桓榮傳云明帝詔曰五更市國桓榮以尚書授

朕十有餘年示我德行張禹以師賜關內侯漢張禹

善說論語初元中詔令授太子由是遷光祿大夫孔

元帝初成帝即位以師賜爵關內侯食邑六百孔

霸以師號褒成君漢孔光傳云光父霸治尚書選授

王相在郡府上元帝即位徵霸石慶積行封為牧丘

以師賜爵關內侯號褒成君石慶積行封為牧丘

侯箕子之朝鮮因以封之書大傳武王勝殷云云

○尊賢繼絕封藝文類聚

禮記曰天子存二代之後猶尊賢尊賢不過二代武

王克殷未及下車而封黃帝之後於薊封帝堯之後

於祝封帝舜之後於陳下車而封夏后氏之後於杞

殷之後於宋左傳鄭子產曰昔虞闕父為陶正以

服事我先王先王賴其利器用與其神明之後也庸

以元女太姬配胡公而封諸陳以備三恪注胡公闕

也周得天下封夏殷二王後又封舜後謂之三恪恪敬也其禮轉降示敬而已故曰三恪史記

曰高帝過趙問樂毅有後乎得樂臣叔封之囂鄉號

華成君成君毅之後也漢書曰自古受命及中興

之君必興滅繼絕修廢舉逸然後天下歸仁四方之

政行焉傳稱武王克殷追存賢聖至乎不及下車世

代雖殊其揆一也高祖撥亂日不暇給然猶修祀六

代雖殊其揆一也高祖撥亂日不暇給然猶修祀六

代雖殊其揆一也高祖撥亂日不暇給然猶修祀六

代雖殊其揆一也高祖撥亂日不暇給然猶修祀六

代雖殊其揆一也高祖撥亂日不暇給然猶修祀六

國求聘四皓過魏則寵無忘之墓適趙則封樂毅之後孝武疇咨前代初得周後復加爵邑元成之間晚得殷世以備賓位又曰武帝還過洛陽詔曰周室邈而無祀得孽子庶其封為周子南君又曰高祖功臣侯者子孫驕逸多陷法禁訖于孝武靡有子遺於是成帝復紹蕭何而哀平之世復曹參周勃之後又曰元康四年立斬翁夏侯嬰陳平張良周勃等一百一十八人後紹賈復家也又漢武元狩中復以鄼戶二千四百封蕭何曾孫慶為鄼侯布告天下令明知朕報以蕭相國德慶厚也東觀漢記曰高

祖功臣蕭曹為首有傳世不絕之誼曹相國後容城侯無嗣朕甚愍焉望長陵東門見二臣之墓生既有節終不遠身誼臣受寵古今所同遣使者以中牢禱大鴻臚悉求近親宜為嗣者頃景夙紹封以彰厥功晉陽秋曰夏侯惇魏之元功勲書竹帛昔庭堅不死猶或焯之况朕受終于魏而可忘其功臣哉其擇惇近屬封之晉中興書曰太元二年興滅繼絕復故陳騫後浩之為高平公裴秀後球為鉅鹿公王沈後朴之為博陵公荀勗後軌為濟北侯何曾後闡為朗陵侯羊祜後法興為鉅平侯又曰元帝紹封魏

後曹勵為陳留王

尊賢繼絕封二 北堂書鈔

興滅國繼絕世 絕世通云王者受命而作興滅國繼絕世為先王無道妄殺無辜及嗣

子幼弱為強臣所專 子孫皆無罪 內怨之君樂繼絕

世隆名之主安立亡國 漢書功臣表序 尊賢不過二代封

陳以備三恪 並詳類聚 封山陽公奉漢祀 帝王世紀云漢獻帝延康元年禪

山陽公奉漢祀 禪魏黃初元年封 封陳留王奉魏祀 又云魏常道鄉

晉太始元年封 陳留王奉魏祀 封霍光曾孫陽等復故爵 漢平帝紀

司馬博陸侯霍光從父昆弟曾孫陽宣平侯張敖玄 皆為列

侯復爵賜酈商孫明友等關內侯 酈商等後玄孫酈

明友等百一十三人爵 關內侯食邑各有差 石苞國祚莫繼以孫行為公

晉起居注元康元年詔曰故樂陵公石苞國祚莫繼其特以荀孫行為樂陵公王基爵祚再

絕以孫恢紹公 又曰司空王基爵祚再絕其以故安陽令振次男恢紹爵振基之子也

尊賢繼絕封三 案本作繼絕

復始 公侯之子孫 撫厲 伯有為厲子產立公孫洩及

乃不為厲吾為之歸也洩子孔之子良止 死王事之

伯有之子皆為國所殺立其後以撫之 微子賓于王

子前詳治楚國之後 王思子文之治楚國 微子賓于王

家 禮成王既黜殷命命微子啓代 蔡仲侯於東土 蔡

既沒王命蔡仲踐諸侯位 纂乃前修 食其舊德

命曰肆予命爾侯於東土 成湯革夏而封杞 武王入殷而封宋 所以興滅繼

成湯革夏而封杞 絕也並文選

宜遵封宋之文 果協屏周之典

表魏武帝謝襲費亭侯表曰不悟陛下乃尋臣祖父
厠豫功臣克定寇逆援立孝順皇帝謂操不忘獲封
茅土聖恩明發遠念桑梓日以臣爲忠孝之苗不復
量臣才之豐否旣勉襲爵邑奉厥祖考復寵上將鈇
鉞之任兼領大州萬里之憲內比鼎臣外參二伯身
荷兼紱之榮本枝賴無窮之祚也昔大彭輔殷昆吾
翼夏功成事就乃備爵錫臣束修無稱統御無績比
荷殊寵策命褒績未盈一時三命交至雙金重紫顯
以方任雖不識義庶知所尤 又郭嘉有功臣死宜

追贈封表曰臣聞褒忠示寵未必當身念功惟績恩
隆後嗣是以楚宗孫叔敖顯封厥子岑彭旣沒爵及
枝庶誠賢君殷勤於清良聖祖惇篤於明勲也故軍
祭酒洧陽亭侯潁川郭嘉立身著行稱茂鄉邦與臣
參事盡節爲國臣今日所以免戾嘉與其功方將表
顯使賞足以報效薄命天殞不終美志上爲陛下悼
惜良臣下自毒恨喪失奇佐昔霍去病蚤死孝武爲
之咨嗟祭遵不究功業世祖望柩悲慟仁恩降下念
發五內今嘉隕命誠足憐傷 梁任昉爲褚綦代兄
襲封表曰一日被司徒符印稱詔二日許臣兄賁所

請以臣紹封南康郡公臣世屬啓聖運偶時來尚德
疇庸先錫上守臣賁載世承家兄居長德而量已夙
退內事園蔬以臣行達幽明早酷荼苦賁天倫冥至
友愛淳深非直引脊推溫故能逃迹讓位鞠育提養
以及人次事死讓生尚均脫屣取信十室本若錙銖
乃遠謬推恩近霜借薄能以國讓弘義有歸匹夫難
奪守以勿二昔武始迫家臣之策陵陽感鮑子之言
張以誠請丁爲理屈且大宗絕緒命臣出續傍統稟
承在昔理絕終天永懷情事觸感崩裂伏惟陛下俯
權孤門哀榮之重爰奪臣賁一至之輕察其丹款特
賜停絕至公允穆微臣克幸 又表曰近冒披款庶
蒙克亮奉被還詔未垂矜允伏讀周遑罔寘心誠臣
本凡劣身名不限標一善不足以驗風流存小讓不
足以弘進止若乃富埒千駟貴有邦家二者之來不
期而至中人猶其趨趨凡近固宜勉勗直以門緒有
歸長德無二若使賁高延陵之風臣忘子臧之節是
廢德舉豈曰能賢陛下留心孤門特深追遠故臣窮
必呼天憑威咫尺賁嬰疾沈痾公私廢禮逢不世之
恩遂良已之志確然難奪有理存焉臣既承先旨出
續傍統受命有資反身何奉叙心感悼免義迫躬臣

賁息霽年將志學禮及趨拜且私門世適二三攸序
若天眷無已必降殊私乞以臣霽奉膺珪社伏願陛
下聖慈曲垂矜慎如蒙哀允施重含育 周庾信功
臣不死王事請門襲封表曰臣聞以法施民必傳祀
典以勞定國必有承家孫叔敖祭酹無聞有傷良相
汝叔齊胤嗣絕沒實貶賢臣謹案大統十六年格先
有封爵歿於王事絕嗣者聽以支子繼襲非死王事
不許承封前牒五等功臣皆是勤勞王室身當患難
扞禦災禍翼贊大猷一旦遇疾身捐館舍不幸無胤
享祀便絕於禮則不足於義則有傷未求上林之獵
已削其侯不服襜褕之衣先除其國伏惟皇帝崇德
旌庸興亡繼絕聞鼓鼙而思將帥畫雲臺而念舊臣
豈有功存社稷而無後可守事盡忠貞而無祠可祭
周於蕃屏為約事在世功漢以山河為誓義存長久
臣聞存人之國大於救人之災立人之後重於封人
之墓竊以殷朝繼及無廢小宗周室興亡貴存身後
紹高密者累葉豈專鄧禹之正胤嗣平陽者重世何
必曹參之嫡孫愚謂生有其勞死非王事雖在支庶
並聽承襲幸使伯有之魂不能為厲若敖之鬼其無
餒而幽顯對揚人神咫尺

○恩澤封

北堂書鈔

人君特寵

晉中興書云漢制人龍潛之舊 龍潛之舊

龍潛之舊

以舊恩而封彭祖

陽都侯

故事乃封楊賜

悟下詔

即墨大夫官無留事

臨晉侯

即墨大夫官無留事

之曰自

即墨大夫官無留事

右以末

河東太守為天下最

封之萬

張釋勸王諸呂

王諸呂

董猛固讓封邑

為建陵

侯董猛固讓封邑

邑其封

封樂大為樂通侯

武安侯

封樂大為樂通侯

封千秋

為富民侯

無他意

乃大感悟

公獨明

其不然

遂代劉

屈釐為丞

成之平

津鄉戶

以為故

事至丞

相封自

弘始也

陽亭侯

邑六百戶

公封列

侯自林始也

外戚封

一類聚

史記曰

武帝衛后弟青封長平侯

四子皆

封侯貴震

天下天

下歌曰生男無喜生女勿怒

獨不見

衛青子

夫霸天下 漢書曰漢興外戚與定天下侯者二人
故誓曰非劉氏不王若有亡功非上所置而侯者天
下其誅之 又曰薄昭竇嬰上官衛霍之功以功受
爵其餘后父據春秋哀紀之義緣大雅申伯之恩浸
廣博矣 又曰高祖封呂后父呂公爲臨泗侯兄澤
爲周呂侯 又曰文帝封后弟薄昭爲軹侯又封齊
淮南王舅駟鈞等二人爲侯 又曰景帝封太后弟
姪竇廣國爲章武侯竇彭祖爲南皮侯竇嬰以破吳
楚功封魏其侯后弟王信爲益靜侯 又曰河平二
年上悉封舅王譚爲平阿侯商成都侯根曲陽侯逢

時高平侯立紅陽侯五人同日封故世謂之五侯
又曰武帝封太后同母弟田蚡爲武安侯勝周陽侯
皇后姊子霍去病伐匈奴封冠軍侯 東觀漢記曰
馬防兄弟三人各六千戶防爲潁陽侯特以前參贊
藥勤勞綏定西羌以襄城羹亭一千二百戶增防防
身帶三綬寵貴至盛 又曰光武封新野王子鄧泛
爲吳侯伯父皇皇考姊子周均爲富波侯追封外祖
樊重爲壽張侯重子丹爲射陽侯孫茂爲平望侯彞
鄉侯從子沖更父侯后父陰隆宣陽侯子識原鹿侯
就爲信陽侯皇考女弟子來歙征羌侯弟由宜西侯

以寧平公王子李雄為新市侯后父郭昌為陽安侯
 子沆縣曼侯兄子竟新鄴侯匡發十侯以姨子馮邯
 為鍾離侯 又曰明帝封太后弟陰興為銅陽侯子
 傳隱強侯陰盛為無錫侯楚王舅子許昌龍舒侯
 又曰鄧訓自中興後累世寵貴凡侯者二十九人東
 京莫比 魏志曰文帝欲追封太后父母尚書陳羣
 議自古無婦人分土命爵之制秦違古法漢氏因之
 非先王之令典也帝曰此議是也

外戚封二北堂書鈔

逮高祖而侯者三人

漢書外戚傳云高祖呂皇后父也高祖為漢王元

年封呂公為臨泗侯後呂后為人剛毅佐高帝定天
 下兄二人皆為列將從征伐長兄擇為周呂侯次兄
 釋之為建成侯逮高祖而侯者三人與定天下侯者二人詳類四人為

王六人為侯

漢高后紀云惠帝崩太子立為皇帝年
 幼太后臨朝稱制大赦天下乃立兄子

呂台產祿台子通四人為

呂氏所立三王

又云秋七
 月皇太后

崩上將軍祿相國產顯兵秉政恐為大臣所誅因謀
 作亂時朱虛侯章在京師以祿女為婦知其謀迺使
 人告兄齊王令發兵西章欲與太尉勃丞相平為內
 應以誅諸呂齊王遂發兵以曲周侯酈商子奇與祿
 善使人劫商令寄給說祿曰高帝與呂后共定天下
 告諸侯王諸侯王以為宜今太后崩帝少足下不
 之國守藩迺為上將將兵留此為大臣諸侯所疑何
 不東歸將軍印以兵屬太尉請梁王亦歸相國印與
 大臣盟而之國齊兵必罷大臣得安足下高枕而王
 千里此萬世之利也王氏田氏三侯漢書外戚傳云
 孝景王皇后武

帝母也父王仲槐里人母臧兒為仲妻生男信與兩
 女兒仲死臧兒更嫁為長陵田氏婦生男盼勝臧兒
 長女嫁為金王孫婦生一女矣而臧兒卜筮曰兩女
 當貴欲倚兩女奪金氏內太子宮太子幸愛之生三
 女一男男方身時王夫人夢日入其懷以告太子太
 子曰此貴徵也景帝即位王夫人生男會薄皇后廢
 卒立王夫人為皇后男為太子武帝即位為皇太后
 尊太后母臧兒為平原君封田盼為武安侯勝為周
 陽侯王田氏五人同封聚詳類
 延壽七年十月上幸雲夢至新野公王壽張敬侯王
 廟乙丑詔曰存善繼絕食藉德貞武騎都尉樊演高
 祖父重以光武皇帝元舅扶助中興追封壽張侯謚
 曰敬祖父茂封冠軍平望鄉侯五國並建其二絕者
 祠
 楊駿為臨晉之封王隱晉書云楊駿為臨晉侯時
 國穰侯成陶邑之封素子云穰侯攻齊五年秦不益
 以攻韓八年成其口南之封故
 戰勝大臣專益地則私封之也

表晉庾亮讓封公表曰觀聖賢之於名爵敬戒之甚
 重豈先哲宜重之於古而聖朝可輕之於今耶譬猶
 迴太陽以消湛露運滄海以灌燎火其功易成其事
 易立

○追封北堂書鈔

追尊陰睦為宣恩侯東觀記陰識傳云建武二年封
 梁竦為哀親愍侯又梁竦傳云永和元年制詔三公
 其義一也追命外祖以篤親親其追封謚皇
 太后父竦為哀親愍侯好爵顯服以慰好心樊重追
 封壽張又樊重傳云世祖即侯陰興追封鮑陽又陰興
 人薨與會葬詔使五宮中郎將持節宋楊追封當陽
 至墓賜印綬追封加謚曰鮑陽翼侯

侯又宋楊傳云安帝永寧元年遣大籍建追封東鄉

侯又順帝紀云中常侍籍侯建追封為汝陰東鄉侯

○徙封北堂書鈔

春陵下濕滅邑內徙東觀漢記春陵宗室傳云春陵

毒氣上書求滅邑內徙元帝樊宏封壽張東觀漢記

徙之南陽猶以春陵為國樊宏封壽張東觀漢記

謝侯十五年徙封壽張侯陰傳徙封期思又曰陰

○異域降附封北堂書鈔

春秋潞子之爵漢功臣表序云昔書稱蠻夷率服詩

慕諸夏也漢興弓高之封又云漢興至於孝文時乃有弓

後諸盟離狄內附嘉之稱爵應劭注漢功臣表序云潞子

諸盟會開匈奴降漢侯之勸後漢匈奴王徐盧等五人降

比日王降之不可上曰丞匈奴先賢揮來降封歸德侯

相議不可乃皆封侯匈奴先賢揮來降封歸德侯

漢宣帝神鮮卑軻比能降拜歸義侯魏志烏丸鮮卑

爵二年鮮卑軻比能降拜歸義侯魏志烏丸鮮卑

能將部眾來南越桂林監論民降侯湘成漢孝武功

降拜歸義侯南越桂林監論民降侯湘成漢孝武功

成侯監居翁南越桂林監論民降侯湘成漢孝武功

禹論毆駱民南越桂林監論民降侯湘成漢孝武功

奴王降侯容城漢孝景功臣表云容城七百戶得南越

王建德封海常侯漢書南越傳云南越廷封海常侯

得南粵相呂嘉封臨蔡侯又云南粵秋封得南越殺

東越王餘善封東成侯漢書閩越傳云越故建成侯

東越王餘善封東成侯漢書閩越傳云越故建成侯

東越王餘善封東成侯漢書閩越傳云越故建成侯

餘善封居股東漢書朝鮮殺朝鮮王右渠封濶清侯傳云尼路

相參乃使人殺朝鮮王右漢書朝鮮斬西于王封下鄜侯漢書

渠來降封參為濶清侯也漢書朝鮮傳云朝鮮

傳云故馮駝駱將左黃同漢書朝鮮誅成已封沮陽侯漢書朝鮮

相路人降道死右渠之大臣成已又反路人子最漢書朝鮮

告諭其民誅成已最以父死頗有功為沮陽侯漢書朝鮮

○婦人封一類聚通典所載婦人對數條併入

左傳曰晉敗齊師陳于鞮齊侯遂自徐關入見保者

曰勉之齊師敗矣薛女子曰君免乎曰免矣銳司徒

免乎曰免矣苟君與吾父免矣可若何乃奔齊侯以

為有禮既而問之史記司徒之妻也封之石窳史記

曰漢有平原君即景帝王貞后之母也後漢書曰

崔駰曾祖母師氏能通孝經百家之言王莽賜號儀

成夫人金印紫綬文軒丹轂顯於新室之世又曰

鄧后臨朝爵其太夫人為新野君萬戶供湯沐邑薨

贈長公主赤綬謚曰敬君又曰梁冀妻孫壽封為

襄城君兼食陽翟租歲又入五千萬加賜紫綬比長

公主又曰和帝夫人陰氏薨追號開封君賜紫綬

又曰靈帝封乳母宋娥為山陽君五千戶左雄奏

曰尚書故事無乳母爵邑之制惟孝安皇帝變亂舊

典封爵阿母王聖為野王君生為天下所咀嚼死為

天下所欣快初封野王漢陽地動今封山陽君京城

復震專政在陰其災尤急 又曰董卓為相國封其母為池陽君置令丞 晉書曰羊祜卒二歲而吳平武帝流涕曰此羊太傅之功也因以策告祜廟仍依蕭何故事封其夫人夏侯氏為萬歲鄉君食邑五千戶 又曰太始六年詔太傅壽光公鄭冲太保華陵公何曾皆假夫人世子印綬食本秩三分之一皆如郡公侯比 又曰王導妻卒贈金章紫綬 又曰虞潭母亦拜為武昌侯太夫人加金章紫綬潭立養堂於家王導以下皆就拜謁 又曰韋逞母宋氏其父授以周官音義逞仕苻堅為太常乃就宋家立講堂

置生員一百二十人隔絳紗幔受業號宋為宣文君 宋書曰鄱陽縣侯孟懷玉上母擅拜國夫人有奏許之御史中丞袁豹以為婦人從夫之爵懷玉父綽見任大司農其妻不宜從子奏免尚書右僕射劉柳左丞徐羨之郎何邵之官詔竝論 隋書曰高涼女子洗氏世為南越首領有功詔冊為高涼郡太夫人齋繡幃油絡駟馬安車旌節一如刺史之儀後冊為譙國太夫人仍開譙國太夫人幕府置長史以下官屬 蔡邕獨斷曰漢異姓婦人以恩澤封者曰君比長公主 陳留風俗傳曰延丘者衛地也故

燕之延鄉高祖與項氏戰厄於延鄉有翟母者免其難故以延鄉為封丘縣以封翟母焉

婦人封二北堂書鈔

典籍無婦人分土之制魏氏春秋黃初三年帝欲侯太后父母陳羣奏曰案典籍

制在禮婦人從夫爵之婦人之封六國亂政孫盛

秋論陰安侯漢書文帝紀云文帝入代邸羣臣上言

伯兄妻姜羹林光侯漢書如淳注云項王后封鄼侯

漢書王子侯表曰蕭明雌平原君漢書外戚傳云武帝封王

明雌平原君漢書外戚傳云武帝封王

制詔御史湯外祖修成君史記外戚世家云武帝封

金氏為功顯君漢書王莽傳云封

大將軍夫人躬口率禮淑慎其身超新野君東漢鄧

詳類安樂鄉君晉中興書成帝贈后

○附白帖為命婦禮曰婦入無爵從夫之爵坐以夫

從夫凡婦人無爵從其夫之爵位恩自宸極榮及

閨門

表魏曹植謝妻改封表曰準書今以東阿王妃為陳

王妃并下印綬因故上前所做印以其拜授書以即

日到臣輒奉詔拜其才質底下謬同受私遇寵素餐

臣為其首陛下體乾坤育物之德東海含容之大乃

封爵婦人封

復隨例顯封大國光揚章灼非臣負薪之才所宜克
當非臣穢黷所宜蒙獲夙夜憂歎念報罔極洪施遂
隆旣榮枝幹猥復正臣妃爲陳妃熠燿宣朗非妾婦
蠢愚所當蒙被葵藿草物猶感恩養况臣含氣銜佩
弘惠沒而後已誠非翰墨屢辭所能報答 梁沈約
謝毋封建昌國太夫人表曰伏見詔書以臣毋封爲
建昌國太夫人慶溢蓬門榮流素族恭荷屏營罔識
攸寘臣稟訓私閨志塗靡立勉以爲義誠有由然輸
力致身曾無萬一天慈罔已至德彌光探其私志降
此洪澤榮親之至始自微臣率斯道也方流萬物草
卉輕命固莫云酬 又爲長城公主謝表曰奉策書
封妾爲長城縣公主微命降臨慙腆妄寘妾膺靈稟
氣育景璇閨弱志易淪柔德難樹雖復式修姆保莫
敢或違而肅雍不著穠華蓋闕不悟宸輝曲漸藝章
夙賁籍此恩加遽延典策湯沐光啟珩緄昭被 梁
王僧孺爲南平王妃拜改封表曰拜妾爲南平王妃
奉命震慙有灼丹寸妾瞻絲毫悅且或多慙鏡史觀
圖是焉知愧以茲眇薄有儻蕃儀糾組不聞饜醢蓋
闕不悟玄造曲被徽渥愈臻改服遞名事華品貴恩
深外邸榮照下庭豈期輜弱所能勝荷

秦宋謝莊為尚書八座改封郡長公主奏曰臣聞爵厚懿戚國之恒典景祚既新禮與時渥永興等七公主可封郡長公主

○爵封北堂書鈔

商君為法徐野民注秦本紀云商君為法於秦斬戰其爵名一為公士二上造三簪臬四不更五鄉大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯漢舊儀云公士為國君列士也傅子云造成也古者成士升於司徒曰造士雖依此名皆步卒也漢舊儀云簪臬馬傅子云臬者古之臬名駕車馬者其形如簪故曰簪臬漢舊儀云不更至一車四馬傅子云軍吏不復與凡更卒同大夫乘兵車也傅子云以為大夫者存車右也漢舊儀云官大夫領

他車馬公大夫領行伍兵公乘與國君同車風俗通云乘者軍吏之高爵傅子云臨戰得乘公車故曰公乘漢舊儀云六官大夫賜爵五大夫以上次年德為官長率風俗通云大夫衣秦帶不為正衛傅子云自左庶長至大庶長皆將軍也所得將庶人更率也故以庶更名為大庶長將軍也左右庶長即左右偏裨將軍也商君為秦備其品為十八級皆因古義自一爵以上至不更四等齊七也卿大夫以上至五大夫五等皆大夫也凡九等依九命之義自左庶長以上至大庶長九卿之義也然則大夫以下品皆倣古此朝之制而異其名所漢武龍功漢書道貨志云買賞官以殊軍國者名所漢武龍功名曰武功爵注云買賞官中書有武功爵一級曰造士二級曰關與衛三級曰良士四級曰元戎士五級曰官首六級曰乘鐸七級曰日千夫八級曰樂卿九級曰執戎十級曰政戾入粟受爵又晁錯傳云錯上書曰武帝所制以寵軍功也入粟所謂損有餘補不足令出而民利者也今入粟受爵至五大夫以上乃復一人耳文帝從錯言令民入粟封爵

邊六百石爵上造稍增至四千石為五大夫
 萬二千石為大庶長各以多少級數為差
 買爵免死
 又惠帝紀元年冬民有罪得買爵三十級以免死
 罪應劭注曰一級直錢二千凡為六萬若今贖罪
 入三十匹
 匹縑矣

○遜讓封一類聚

左氏傳曰會於戚討曹成公也諸侯將見子臧於王
 而立之子臧曰前志有之曰聖達節次守節下失節
 為君非吾節也遂逃奔宋 又曰吳諸樊既除喪將
 立季札季札辭曰曹宣公之卒諸侯不義曹君將立
 子臧子臧去之以成曹君君子曰能守節矣君義嗣
 也誰敢姦若有國非吾節也札雖不才願附子臧之

義棄其室而耕乃舍之 韓子曰楚莊王既勝晉于
 河雍歸而賞孫叔敖叔敖請漢間之地沙石之處楚
 國之法祿臣再世收唯叔敖獨存九世而祀不絕
 漢書曰韋賢薨子玄成當為嗣心知非賢意即佯狂
 妄語笑既薨嘗襲爵玄成素有名疑其欲讓兄遂奏
 劾之玄成不得已乃受侯爵 東觀漢記曰竇融數
 辭爵位又上疏曰臣有子質性頑鈍何況乃當傳
 以連城廣土享諸侯之國哉他日會見迎詔融曰欲
 讓職還上今相見不宜論也 又曰桓榮卒子郁當
 襲爵讓於兄子顯宗不許不得已受封而悉以租入

與之 又曰丁綝從上渡河及封功臣上令各言所樂謂綝曰諸將皆欲縣子獨求鄉何也綝曰昔孫叔敖勅其子受封必求硤确之地今綝能薄功微得鄉亭厚矣上從之封爲定陵新安鄉侯後徙封陵陽侯 又曰張純臨終謂家丞曰吾無功於時猥蒙爵土身死之後勿議傳國爵子奮上詔奮嗣爵奮稱純遺旨固不肯受帝以奮違詔收下獄奮惶怖乃襲封 又曰帝欲封樊興置印綬於前興固讓曰臣未有先登陷陣之功而一家數人竝蒙爵土令天下觖望上嘉興之讓不奪其志 又曰上欲封諸舅馬太后輒

斷絕曰吾計之熟矣勿有疑也至孝之行安親爲上今遭變異穀價數倍憂惶晝夜不安坐卧而欲封爵違逆慈母之拳拳吾素剛急有胸中氣不可不慎穰歲之後唯子之志吾但當含飴弄孫不能復知政 魏志曰田疇從太祖入盧龍塞太祖獨欲侯之疇素與夏侯惇善太祖語惇曰且往以情喻之答曰豈可賣盧龍塞以易賞祿哉縱國私疇疇獨不愧於心乎涕泣橫流惇具答太祖太祖喟然知不可屈乃拜爲議郎 晉起居注曰故南城侯羊祜固辭歷年志不可奪身沒讓存遺摺益厲此亦夷齊所稱賢也今聽

復本封以彰厥美

遜讓封二書北堂

固讓歷年

晉書羊祜傳祜遺令不得以南城侯入柩

王攸表祜

不以侯歛之意帝乃遣亡七年漢書劉

詔曰祜固讓歷年云云詳類聚

帝詔曰故居巢侯劉殷嗣子當襲殷爵而稱父遺

意致國弟憲

亡七年所守彌篤蓋王法崇善成人

之美其聽憲

嗣子馮出居於鄭史記宋世家云宋穆

司馬孔父

謂曰先君宣公舍太子與夷而立我我丁

不敢忘我外

必立與夷也乃使子馮出居於鄭

鴻挂經而逃

漢書上鴻字孝公父緄封陵陽侯鴻與

書讓國於弟

盛不報既葬乃挂練經於家盧留書託

疾而逃初鴻與鮑駿友乃伴狂不識駿駿乃止而諫

日今子以兄弟私恩而絕又不滅

之基可謂知平鴻乃感悟就國安子都昌辭而不

受而不驕者未嘗聞之谷而不恨者嬰是也所以貧

善為師也以呂強都鄉辭讓懇惻漢書呂強為小黃

人清忠奉公靈帝時例封宦者以強為都

鄉侯強辭讓懇惻固不敢當帝乃聽之鄧騭開關

上疏戶騭辭讓不獲遂避使年騭以定策功增邑三千

魯連辭謝者三原史記魯

連魯連既說秦軍為却平

吾與富貴而屈於人寧

致國於弟鴻見前歸功參佐

貧賤輕世而肆志也

延壽上書讓

魏志王基淮南初定轉墓為征東將軍

延壽上書讓

進封東武侯基上疏固

延壽上書讓

減戶邑十餘萬延壽自以身無功德何以久堪先人

大國數上叔敖謂子無受肥饒

南十云楚莊王封

書減戶邑叔敖謂子無受肥饒

南十云楚莊王封

將死謂其子曰吾死王必封無受肥饒固辭起受侯印死

之地受沙石之間果封其子肥饒固辭起受侯印死

封等 卷六十三 遜讓封

有餘罪

漢書平當傳云上使使者召欲封當當病篤不應召室家或謂當不可強起受侯印為子

孫耶當日吾居大位已有素餐之責矣起受侯印為子還卧而死死有餘罪今不起者所以為子孫也

在襁褓何敢受封

漢衛青傳云上封青三子固辭謝曰臣幸得待罪行間賴陛下神靈

軍大捷皆諸校力戰之功也今益封臣青臣青子在襁褓中未有勤勞上幸裂地封為三侯非臣待罪行也仇等三人何敢受封

遜讓封三白

案本作讓封

請貶

傅昌封蕪湖侯上疏以國貧不願之封乞五十萬為關內侯肅宗怒貶關內侯亦不與錢

就賤

讓而就賤**馮恢讓弟**晉馮恢父愛少子淑欲以爵傳之恢父終還鄉結草

國讓弟

耿國字叔慮上疏以父况愛少子霸請讓詔許之**衛瓘讓弟**衛瓘六男無爵

悉讓一弟 遠近稱之**大夫讓爵於朝 農夫讓畔於野 有勲**

不廢宜應裂土之封 無功受封實懼貪天之罪

表齊謝眺為齊明帝讓封宣城公表曰如其懸旌灑

澆刷馬伊穀灑酒望屬車之塵整笏侍升平之禮陛

下訐謨玄覽欽若宏圖鑒臣匪躬共申葵訓雖量能

之請近遂微躬則弘長之風足軌來世 梁簡文帝

為子心讓當陽公表曰日蝕之餘無黃童之對荷戟

入榛異子烏之辯遂復早建茅社風開井賦爵列五

等綬參四色 又帝為子大款讓石城公表曰詭對

鶴書俯羞鴉翼臣生處深宮未覩焦原之險不出戶

庭豈觀砥柱之峻臣聞坳塘汎水豈議大瀆之流覆
實爲峯終垂小魯之說 又爲長子大器讓宣城王
表曰襄野之辯尚對軒君弘羊之計猶干漢主徒以
結慶壻源乘陰霄極一日千里因騏驥之馳高蔭百
尺藉雲崖之遠熙祖流聰慧之稱方建臨淮之國元
仲表岐嶷之姿乃啟平原之封南郡與部春穀名區
民化仲翔之俗山峻陵陽之嶺而綠車赤綬交映相
暉金璽銀券炤灼光彩 梁江淹爲齊高帝讓進爵
爲王表曰昔虞思勤夏不別殊物之錫晉叔臣周豈
頒上公之典魯蕃懿親裁蒙衆鳥之榮梁國戚屬方

忝旌旗之貴 梁任昉爲齊明帝讓宣城郡公表曰
臣本庸才智力淺短太祖高皇帝篤猶子之愛降家
人之慈世祖武皇帝情等布衣寄深同氣武皇大漸
實奉話言雖自見之明庸近所蔽愚夫至此已實不
忍自固於綴衣之辰推違於玉几之側遂荷顧託道
揚末命雖嗣君棄常獲罪宣德王室不造職臣之由
何者親則東牟任惟博陸徒懷子孟社稷之對何救
昌邑爭臣之譏四海之議於何逃責且陵土未乾訓
誓在耳家國之事一至於斯非臣之尤誰任其咎將
何以肅拜高寢虔奉武園悼心失圖泣血待旦寧容

復徼榮於愧耻晏安於國危且虛飾寵章委成禦侮
臣知不愜物誰謂攸宜命輕鴻毛責重山岳存沒同
歸毀譽一貫辭一官不減身累增一職已黷朝經便
當自同體國不爲飾讓至於功均一匡賞同千室光
宅近甸奄存全邦殞越爲期弗敢聞命亦願曲留降
鑒卽垂順許乃君臣之道綽有餘裕苟曰易照敢守
難奪 梁沈約爲柳世隆讓封公表曰臣聞懸旌玉
塞貳師尚黜其功伐鼓炎州伏波猶懼其賞徒以兼
委之施或難固辭抽心之情必無雙奪是故俛容青
閣願還慈於裂壤竊步丹墀希收寵於開賦昔竄命
窮雉難迫勢孤沈板末難負戶非切及顧溫青之館
懼結尊慈之懷累葉喁喁舉門惴惴臣事逼君親理
非外獎實賴朝謨謹肅宰略遐震奔鯨外剿臣何力
焉幸得扶老携弱重出幽堵還軸歸驂再踐鄉路豈
可資國眚以邀其功因衆功而饗其報遂使甘霜受
電之心有同於飾請皎日大河之志匪殊於貌謁
書魏武帝上書讓增封曰無非常之功而受非常之
福是用憂結比章歸聞天慈無已未卽聽許臣雖不
敏猶知讓不過三所以仍布腹心至於四五上欲陞
下爵不失實下爲臣身免於苟取 又上書讓封曰

臣誅除暴逆克定二州四方來貢以爲臣之功蕭相國以關中之勞一門受封鄧禹以河北之勤連城食邑考功效實非臣之勲臣祖父中常侍侯時但從輦扶翼左右既非首謀又不奮戟竝受爵封暨臣三葉臣聞易豫卦曰利建侯行師有功乃當進立以爲諸侯也又訟卦六三曰食舊德或從王事謂先祖有大德若從王事有功者子孫乃得食其祿也伏惟陛下垂乾坤之仁降雲雨之潤遠錄先臣扶掖之節採臣在戎犬馬之用優策褒崇光耀顯量非臣疋頑所能克堪 又上書讓費亭侯曰臣伏讀前後策命旣錄

臣庸才微功乃復追述先臣幽讚顯揚見得思義屏營怖懼未知首領所當所授故古人忠臣或有連城而不辭或有一邑而違命所以然者欲必正其名也又禮制諸侯國土以絕子孫有功者當更受封不得增襲其有所增者謂國未絕也或有所襲者謂先祖功大也數未極無故斷絕故追紹之也臣自三省先臣雖有扶輦微勞不應受爵豈逮臣三葉若錄臣關東微功皆祖宗之靈祐陛下之聖德豈臣愚陋何能克堪 又上書讓增封武平侯及費亭侯曰伏自三省姿質頑素材志鄙下進無匡輔之功退有拾遺之

美雖有大馬微勞非獨臣力皆由部曲將校之助陛下前追念先臣微功使臣續襲爵土祖考蒙光照之榮臣受不貲之分未有絲髮以自報效昔齊侯欲更晏嬰之宅嬰曰臣之先容焉臣不足以繼之卒違公命以成私志臣自顧省不克負荷食舊為幸雖上德在弘下有因割臣三葉累寵皆統極位義在殞越豈敢飾辭

唐類函卷六十二終

唐類函卷六十三

明東吳俞安期彙纂

明丹陽賀學仁校訂

政術部

君道

臣術

官班

擇官

勤官

爭長

守官

攝官

省官

曠官

侵官

休假

賣官

去官

離局

黜免

代官

○君道

雜采成篇

易曰大君有命開國成家 尚書曰惟天地萬物父母

惟人萬物之靈亶聰明作元后元后作民父母

禮記曰禮者君之大柄也政者君之所以藏身也

政術

卷六十三

君道

鄧析書曰爲君者當若冬日之陽夏至之陰萬物歸之莫之使也偃臥而功自成優游而政自治又曰爲君者滅形匿影羣下無私掩目塞耳萬民恐震循名責實案法立成是謂明主孫卿子曰君舟也庶人水也水能行舟亦能覆舟又曰君者儀也儀正則君正君者盤也民者水也盤方則水方盤圓則水圓尸子曰孔子謂子夏曰汝知君子子夏曰魚失水則死水失魚猶爲水也孔子曰商汝知之又曰曰在井中不能燭遠目在足下不能以視君之有國猶天之有日居不高則不明視不尊則不遠呂氏

春秋曰泉深則魚鼈歸之人君賢則豪傑赴之又曰君者仁義以利之愛利以安之忠信以道之務除其灾致其福故人之於上也若壘之於塗也抑之以方則方以圓則圓若五種之地必應其類而蕃息百倍此五帝三王之所以無敵也又曰齊桓公染於管仲鮑叔晉文染於舅犯邠偃荆莊王染於孫叔敖沈尹蒸吳闔閭染於伍員父之儀越句踐染於范蠡大夫種此五君者所染當故霸諸侯又曰先王用非其有如已之有通乎君道者也君者處虛素服而無智故能使衆智也無能故能使衆能也無爲故能

使眾為也 又曰鄭君問於被瞻曰聞先生之義不
 死君信有之乎被瞻對曰有之夫言不能聽道不能
 行則故不事君也若言聽道行又何死亡故被瞻之
 不死亡賢於死亡也 新序曰趙襄子問於王子維
 曰吳之所以亡者何也對曰吳君佞而不忍襄子曰
 宜哉吳之亡也佞則不能賞賢不忍則不能罰姦賢
 者不賞有罪者不罰不亡何待 潛夫論曰凡人君
 之治莫大於和陰陽夫陰陽者以天為本天心順則
 陰陽和天心逆則陰陽乖天以民為心民安樂則天
 心順民心苦則天心逆

君道二北堂書鈔

君天也左氏君地也韓子君以出令左氏羣下歸心白虎通眾
 才所歸曹植賦萬物之機書利害之較韓子蓋之如天容
 之如地左氏尊天事地新序敬小慎微春秋繁露以民為體緇衣
 樂從規諫抱朴子儼然玄默淮南子神之至左氏宜聰明書
 民思明君猶赤子之慕慈母後漢一人被之而不衰萬
 人蒙之而不福淮南子注曰衰大也有德之君以樂樂
 民無德之君以樂樂身後漢書能為上者若緣木家語善
 用才者如濟海管子禮讓為國仁義為宅揚雄傳仰順天
 道俯協地理家語七恕以進善九思以防惡桓範新書一言

倚而天下靡車五穀俱傷君無德

京氏易五星占

○臣術雜采成篇

孝經說曰臣者堅也守節明度修義奉職也 周易曰王臣蹇蹇匪射之故 尚書曰熊羆之士不二心之臣保乂王家用端命于上帝 禮記曰近臣守和宰正百官大臣慮四方 左傳曰秦醫和謂晉侯曰良臣將死天命不佑趙孟曰誰當良臣對曰主是謂矣主相晉國於八年晉國無亂諸侯無闕可謂良矣 孔叢子孟懿子問書曰欽四鄰何謂也孔子曰王者前有疑後有丞左有輔右有弼謂之四近言前後

左右近人當敬畏之不可以非其人也 韓子曰為臣也北面委質無有二心朝廷不辭賤軍旅不辭難順主之法而無是非也故有口不以私言有目不以私視 淮南子曰周公之事文王也行無專制事無由已身若不勝衣言若不出口有所奉持於前洞洞屬屬如不能如將失之可謂能子矣及繼文武之業履天子之國則平夷狄之亂誅管蔡之罪無所顧問感動天地聲懾海內可謂能武矣成王長北面致政委質而成事之請而後行無擅恣之意無矜伐之色可謂能臣 說苑曰人臣之術隨順復命無所敢專議

不苟合位不苟尊必有益於國必有補於君故其身
尊而子孫保之臣之行有六邪六正行六正則榮犯
六邪則辱賢臣處六正之道不行六邪之術故上安
而下治生則見樂死則見思此人臣之本也 新序
曰秦欲伐楚使者往觀楚之玉器楚王聞之召昭奚
恤而問焉昭奚恤對曰此欲觀吾國之得失而圖之
遂使昭奚恤應之奚恤稱曰是國之所寶者賢臣也
理百姓實倉廩使民各得其所令尹子西在此奉珪
璋使諸侯解忿猶之難交兩國之忻使無兵革憂太
宗子方在此守封疆謹境界不侵鄰國鄰國亦不見
侵葉公子高在此理師徒正兵戎以當強敵提桴鼓
以動百萬之衆使赴湯火蹈白刃出萬死不顧一生
司馬子反在此若霸王之餘義撮治亂之遺風昭奚
恤在此惟大國之所觀秦使者瞿然無以對反言與
秦曰楚多賢臣未可謀也 賈誼新書曰智足以謀
國事行足以爲人師人足以爲上下之聲國有法則
守之君有難則死之謂之大臣也

臣術二

北堂書鈔

間氣爲臣和氣爲人呂氏春秋在國曰市井之臣在野曰
草莽之臣孟子預禁未然之前使主超然立乎顯榮之

處此聖臣也 明察幽見成敗早防而救之此知臣

也 守公奉法不受賂遺此正臣也 身死國安不

悔所行此直臣也 安官貪祿與世沈浮此具臣也

偷合苟容與世為樂不顧其後害此諛臣也 所

欲進則明美隱惡所欲退則明過匿美此姦臣也

內離骨肉之親外則妬亂朝廷此讒臣也 擅矯主

命以自貴顯此賊臣也 讒言以邪墜主不義此亡

國之臣也 以上並說苑 梁棟大臣 桓子 社稷之臣 春秋 輔弼之

臣 漢書 鄂鄂之臣 智囊之臣 賢臣 新序 能臣 左氏 亂臣

書 魏志 謀臣 以道事君 論語 有諫無訕 禮 憂國奉公 東希觀

美報上 詩 履冰執熱不得辭焉 抱朴子 不擇事而安之

子 莊 怠則張而相之 禮 臣哉鄰哉鄰哉臣哉 禮

○官班 白帖

九儀 九命 十等 十等 齒位 周禮 表儀 傳引之 通

班 不列 異數 禮亦 尚齒 禮曰 易方 易君子 立

守 各以 錯立 周禮 禁錯 貴貴 其禮 禮夏后

而尚 易班 辨位 抗禮 會有表 表亦 立無序 而

齒 無序 則儀 以辨等 周禮 以儀辨 名以出信 信以 守器

亂 其位 儀 以辨等 周禮 以儀辨 名以出信 信以 守器

傳 列位之所 注曰 朝有著定 表著之位 所以昭 天秩

有禮 書有尊 登降有數 分隔屏風 後漢鄭弘字巨

倫為司空班次在下每朝見弘曲躬自卑帝知雜居問其故遂聽置雲母屏風分隔其間遂為故事

齊齒 正其服位禮周修其班制禮九命之數自上下公

禮周班爵之位 失位者懸間傳鄭伯享韓宣子起孔

執政禦之適客後又禦後來者居上張失位後至立於客間

之適懸間客從而失之 禮命禮周朝儀 王爵 葵憲 常秩

命秩 品制由次守位 序從 等衰 等列禮辨 同

儕 同等 犯貴 比肩 禮謬 官邪由官邪也 恪居

官次 慎守官常 禮由位敘 名以器分 名位

不同 貴賤有等禮 高卑殊品 拜揖異儀 官以

命分 位由序守 易則生亂 過則有刑 禮失

則昏 名失則愆 奚獨後予 孰能宗子 小宜

事大 卑不降尊 賤宜事貴 少不陵長 降尊

就卑 下陵上替 情非事下 禮豈得中 苟無

區別 則有覬覦 列官分職 設儀辨位 正上

下之位 正辨爵之義傳 正朝廷之儀 辨貴賤之

位 所宜守以等威 豈可易其紀律 苟命數之

或乖 亦於禮而何取 既同列爵於朝 亦何進

人以禮 不敢與任為齒 未可黜誅於朝 雖九

儀之辨貴 宜三命而益恭 鄭忽憑怒於我先

孔張懷慙於客後 韓信羞絳灌為伍 彭寵恥吳

文行 卷六十一 禮官

耿同行 以貴下賤雖聞於昔賢 降尊就卑恐違 於今制

○擇官

選孤介第五倫字伯魚為蜀郡民吏富掾史皆鮮車馬以財貨自達倫患之簡其豐贍者還之選孤介志行者以處防請託必於儒者問儒者必於曹任於是貨財抑絕防請託必於儒者問儒者必於文吏以相參驗欲除吏文武悉召尹翁歸字子況去先為科例以防請託也文武悉召尹翁歸字子況去河東守行縣至平陽悉召故吏五六十人親臨見令有文者東有武者西翁歸獨伏不起曰翁歸文武兼備唯所施設功曹以為不遜延年曰儒吏相參詳何傷召上辭問甚奇之是日補脩史儒吏相參詳擇人務在掄材 明試 登庸 惟其人 官不必備 難其人

○勤官北堂書鈔

民生勤則不匱左傳樂書曰楚自克庸以來其君無日不討國人而訓之於民生之不易禍至之無日戒懼之不可保紂之百克而卒無後訓之而申儆之於勝之不可保紂之百克而卒無後訓之林箴之曰民生在勤勤則不匱夙夜罔或弗勤尚書訓於王曰克勤于家尚勤恤民隱國語周穆王將征鳴呼云云克勤于家尚勤恤民隱國語周穆王將征曰昔商王帝辛大惡於民庶民弗忍欣戴武王以致戎於商牧是先王非務武也勤恤民隱而除其害也自朝至昃弗遑暇食尚書無逸篇云文王自朝至于安國傳云從朝至于日中不暇食思慮政官民用皆和曰仄坐朝幽枉必達漢書明帝論治民祇懼不敢康寧尚書無逸云周公明帝云云治民祇懼不敢康寧尚書無逸云周公王中宗治民祇懼弗敢康寧孔安國傳云中朝夕勤宗太戊也為政敬身思懼不敢荒怠自安也朝夕勤文行

恪守以惇篤

國語祭公謀父曰我先王不窋不敢怠業時序其德纂修其緒修其訓典朝夕

恪勤守以惇篤

奕奕王事靡盬不遑啓處

監繼嗣我日

勞固我行成嗣續其日言常勞苦無休

息夙興夜寐無忝所生

謹按夙早也所生父母也君

之與臣若能早起夜臥則夙興夜寐灑掃庭內

夙夜匪懈

夜在公

君事早起口寐在於公所也

不解於位

毛詩假樂篇云百辟卿士媚於天子不懈

及羣臣故皆受之不懈

其職位民之所以休息由

此不敢怠遑

毛詩殷武篇云不敢怠遑命於下國封

於政事則命之於下國以受命天子也

龜勉從事

毛詩十月之交云龜勉從事不敢告勞箋云詩人謂賢者如是龜勉以從王事雖勞不敢自謂為勞畏刑

也朝夕從事

毛詩北山云借借強壯之貌士有王事者朝夕

從事言不

得休息也

古訓是式威儀是力

毛詩蒸民篇箋云古

也力猶勤也勤威儀

精力於職事

嘗勤心有補益

范曄漢書云史弼為黃

出勤心

盡瘁事國

北山篇毛萇傳云盡心奉職

東觀漢記周榮傳云

職不

不入內舍

閣下

華嶠漢書馮豹字仲文為尚書勤力不懈每

之乃加冠劍不解

車而傳漏雖居間鑠署冠劍不解

于身為郎二十載未嘗抱書而寐

魏氏春秋曰高柔

被奏三署服其重慎也

抱書而寐

文行

勤官

法平允又夙夜匪懈至擁膝抱文書而寐太

祖見而哀之徐解衣表覆之而去自是辟焉不離省

閨後漢書黃香為尚書郎嘗獨止宿沈迷簿領劉楨

職事煩填委文墨紛消散白晝接賓客夜間省文書

沈迷簿領問回回自昏亂日接賓客夜間省文書

吳志滕胤為太常白馳翰未遑食日昃不知晏劉楨

日接賓客夜間省文書

恭恪無有不恭恪積累功以致爵位莫如勤非德莫

能有繼能勤有績也無日不惕忘職夙夜惟寅欽乃

恪居官次智以效官勤而泣事泣事

勤勤告之無倦不敢告勞不敢自逸

不假器雖有挈瓶之不授璽皆驚霍光恐有變召尚

符璽郎欲收取璽郎不肯授光欲奪之各出納

出納之各司調陰陽丙吉不問殺人而問喘牛曰殺人

謂之有司調陰陽丙吉不問殺人而問喘牛曰殺人

調事牛未宜喘宰相不越樽俎祝子抱人雖不治庖

不進旌招不齊侯田招虞人以旌不進仲尼曰守道

不進官死不失守失其守不避難食不避難子路廢命

不敬左傳守官廢命失職則死則死及之思不出位

君子思不立不易方能業其官其官能靖其爾

陳平不對農獄上問絳侯周勃一歲入粟決獄

曰入粟當問搜粟都尉決獄問廷尉臣刺史不察

上佐天子調陰陽下使四方得其所也

守官攝官

守官攝官

守官攝官

守官攝官

黃綬 朱博為冀州刺史人遮道言事博曰各守爾典若言丞尉當詣郡守刺史不察黃綬

職思其憂 官修其方 唐宿其業 各司其局

當官而行

○攝官 帖白

真 真受 承之 攝官承乏注承 攝政 孔子為司寇攝政七日誅少正

兼職 兼人 不攝 官事不攝 不給 衛侯將會使祝佗

不 率舊職猶懼不給而煩 兼二事 傳沈諸梁兼二事

也 刑書若又攝官招大罪也 兼二事 傳沈諸梁兼二事

理 晉刑侯與雍子爭鄆田士景 將效一官 敢有二

○省官 帖白

省西曹 魏志毛玠為司空丞相東曹掾請謁不行時

知之令曰日出於東月盛於西 凡 省蘭臺 晉時議省

人言先東東不可省遂省西曹 省蘭臺 州郡官吏

以赴農功荀勗議曰省吏不如省官省官不如省事

漢文垂拱幾致刑措此省事也 光武併合吏員縣官

國邑裁置十一此省官也 魏大和中遣王人四出減

天下吏員正始中亦併合郡縣此省吏也 今欲求之

於本則省事為先若欲省官不惟 審官 損不急 悼王

臺宜省付 立政 明王立政不惟 審官 損不急 悼王

用吳起為相損不 罷冗員 官省則選清而得久職

急之官拊養戰士 罷冗員 官省則選清而得久職

并則吏簡而俗靜 晉王彪之議也

○曠官 帖白

文行 卷六十三 省官

沈職

沈滯不舉

備位

言無職事

充位

張湯為御史大夫每奏事

日肝天子忘食事皆决于

湯丞相充

養名

養名通事

位而巳

養名

詳怠惰

干誅

干先王之誅

速謗

以

速

謗

以

謗

出

毀

於

中

是

誰

之

過

與

亂

日

廢

失

其

守

收

煩

寵

不

朔

與

日

不

治

事

數

廢

被

謫

乃

相

今

日

不

恭

命

左

不

攻

飲

酒

醉

不

事

日

清

譚

令

終

務

亦

葬

士

禮

不

仕

死

以

士

官

廢

蒞

事

不

敬

也

非

禮

率

夫

掌

都

家

注

都

家

之

理

有

在

軍

旅

則

誅

有

司

不

州

縣

及

謂

有

稽

殿

者

也

州

縣

徒

命

廢

職

慢

官

速

矣

失

政

不

昧

恪

居

宜

科

懈

位

苟

忘

恤

不

治

庖

宜

科

出

桀

不

能

承

不

恭

乎

乃

職

必

速

矣

於

激

則

有

常

而

無

赦

臨

事

有

虧

誰

合

當

辜

慢

官

之

後

徒

告

申請

○侵官

帖白

出位

君子思不越官 出位君子思不越官 越官思難不越 越司諸越司侵職者

官分職各有司存越其本 代斲斲無越思 君子行無

司侵人職掌當杖之也 假器假不貳事 不能恤緝而憂宗周之殞焉用

假器假不貳事 代庖庖不越俎而代之 一失其位 不謀其政

易而生亂 過則有刑 各恭乃位 出則有尤

如冒歎官過猶不及

○爭長

周班魯人以周班後鄭任齒 寡人若朝於薛不敢與

諸任 十年十年長以倍則父事之一日 尚

齒 年傳曰五叔無官豈尚年哉謂康 敬長 序齒燕比

肩羞居我上 野戰之功相如徒以口舌而居我上

吾羞不忍為之下見必辱之相如聞 恥與同列費詩

之屈節下車避頗頗乃負荆謝罪 達漢中王遣詩拜關羽為將羽聞黃忠為後將怒曰

大丈夫終不與老兵同列不肯拜詩曰蕭曹親舊而

陳韓忘命在上 忘彼肩隨五年以長 務茲心競 不

可以後之滕侯曰薛無姓也 莫能相下也子誓 以敬

事長則順經序 立而無序則亂亂於 相下 自尊

辨位 亂行 有儀 抗禮 我先 人下 禮

謬 辭游 少不陵長 卑不降尊 人猶犯齒

慮以下人 何以卑我 奚獨後予 晉鄭同儕

商周不敵 滕薛之尊 絳灌之恥 將後鄭忽

乃長滕侯 長幼之節 上下之位 而與我齒 將不汝容

○濫官

白帖 後漢更始宮爵皆賈豎羣小語曰竈下養續

爛羊頭 中郎將爛羊頭封公侯 續

狗尾 爵位每會經蟬盈坐時人語曰貂不足狗尾續

鴻都門 後漢靈帝好學祭酒樂松賈護多引無行趨

武功爵 漢武時國用耗竭有司請賣爵置賞官名曰

者別正卿人十九爵二十爵 至樂卿食公卿祿而無二也

○賣官爵

白帖 靈帝開鴻都門賣官又私令左右賣公卿公干

銅臭 萬卿五百萬崔烈入錢拜三公問于何曰我為

三公人以為何鈞曰議 鴈美 皇甫規解官歸安定

者嫌其銅臭耳詳司徒 不入粟 漢食貨志晁錯

起既入問君前在任食鴈美乎 入粟 策重粟之道在

於以粟為賞罰令募天下入粟縣官拜爵得以除罪

輸錢 後漢三公皆輸禮 弘羊為令 均輸令吏民入粟

補郎官至 桓帝占賣 漢桓帝占 為郎增秩 後漢府庫

入奴禪得 以終身為 受爵移賣 又入羊為郎受爵賞

無所差次 黃霸補馮翊 二千石 仲吏注云三輔郡得

仕也郡為 仲吏 曹嵩至太尉 錢位至太尉 相如非其

好為司馬 相如以貨 德容以此達 魏張德容為門下小

無以自達 乃常蓄好刀筆 伺大吏 五百萬為侍郎 張

正行
之以貲為郎注漢法貲一斗酒拜刺史張讓專權孟

五百萬得為常侍郎

○巧宦白帖

盡得五侯漢五侯不相得賓客不同唯樓護四至九

卿漢汲黯黯子司馬安深文巧宦四至九卿以河

約汲黯謂公孫弘曰齊人多詐專祿以周持祿固

寵

○換官白帖

擇官 不擇官 附入

恭賞換縣薛宣為馮翊潁陽多盜賊令薛恭未嘗治

有才宣奏賞與恭換縣旬月間儉誕州儉為鎮南

將軍豫州刺史諸葛誕東關不利乃葛洪求勾漏洪

字稚川遷散騎常侍領大著作不就以年老欲鍊丹

許洪曰非欲榮以有阮籍求步兵阮籍聞步兵廚有

為步兵呂範釋禱吳志孫策從容與呂範基範曰將

領都督為將軍部分之策曰子衡已有大眾立功於

外豈宜復屈小職知軍中細碎範曰今託將軍策笑

濟世務官猶同舟涉海此亦範之計非但將軍策笑

乃委以眾事毛義捧傲毛義事親孝張奉慕其名往

捧傲入喜見顏色奉以是子路不擇祿仕子路曰家

賤之後乃悟曰為親故也子路不擇祿仕貧親老不

而仕李充屈作小縣晉褚裒謂李充曰窮猿狝林豈暇擇木

遂作李充屈作小縣

列縣李充屈作小縣

文行李充屈作小縣

○代官帖

及瓜而代齊使連稱管至父戌葵合符而去後漢傅

容州將范律名知人舉愛孝廉後變為舉三人

漢陽太守律交代合符而去鄉郡榮之

相病篤上自臨問曰即有不諱誰能代卿對曰西河

太守杜延年明於法度今在郡治有能名廷尉于定

國執憲詳平天下可以無冤太僕陳萬年事後母孝

三人皆在左右惟上書之及相繼居位並皆稱職上

謂郡吉告令尹無慚色舊令尹之政必以告新令尹

嗣掌周禮嗣掌某月月終更昔終更亟還矯代魏陵君

無忌請救趙魏王畏秦不許趙告急於公子公子之

客入王宮盜節矯代晉郗不設備公子遂入郗軍鍾

殺郗而代將其更盡漢段會宗為西域都護騎都尉

軍遂救趙也

更也策名隨牒親友兩代使過太山太守薛悺

異之結為親友戲謂曰吏與二千石鄰國屈從父子

陪臣遊不亦可乎及為郡及尚書令皆代矯

相代齊美周瑜舉魯肅有智略足以代瑜肅何舉

曹參功成者去四時迭代授受不替

○休假一初學

按急告寧皆休假名也釋名曰急及也言操切之使

相逮及也李斐漢書曰告請也言請休謁也寧安也

告曰寧也漢律使二千石有予告有賜告予告者在

官有功最法所當得者也賜告者病滿三月當免天

子優賜其告使得印綬將官屬歸家理疾至成帝時

郤二千石賜告不得歸家自馮野王始也休假亦曰

文行

休沐漢律吏五日得一下沐言休息以洗沐也晉令

急假者一月五急一年之中以六十日為限千里內

者疾病申延二十日及道路解故九十五日此其事

也書記所稱曰歸休亦曰休急休湣取急請急又有

長假併假事對賜告分休上詳前敘王威別傳

表題門上有能陳便宜益於時不限斷役荷擔杖

策謝承後漢書曰許荆字子張少喪父養母孝順家

於鄉里又曰范丹字史雲陳留人也為郡功曹祝

問疾吳拜老謝承後漢書曰祝皓字子春志節抗

節死問疾畢乃還家又曰吳馮字子高為州郡吏

進然後到家名昭遠近離兵解職王隱晉書曰王尼字季孫

輔之李珂等皆與尼交時尼為兵在大將軍澄等既入

持羊酒詣軍門吏疏名內請入見大將軍澄等既入

語吏過王尼長假遂得離兵而去竟不見將軍澄等

之因與尼長假遂得離兵晉起居注曰孝武太康

元年詔大臣疾病遊集定省世說曰車武子為侍

假滿三月解職遊集定省中與東亭諸人期共

遊集車早急出過詣王子敬車求去王問何以忽忽

車答曰與東亭諸人期共行王曰卿何乃作此不急

行車遂不敢去盡急而還宋書曰王敬弘子悅之

為秘書郎悅之曾請假還家來定省敬弘劾曰見之

至輒不果假日前至閣復不見乞求造渚還都文士傳

奉辭敬弘呼前至閣復不見乞求造渚還都文士傳

兼侍中安慰河北以前後功封嘉興伯榮觀中國日

弊乃併求急還南既造江渚欣然自得鄧粲晉紀

曰郭璞為王敦參軍知敦作亂受假還都露布以計

溫嶠為名及至建康南坑殺參軍郭璞初桓彝常令

璞筮卦卦成爻問其

故璞曰卦與吾同

卷六十三

十七

休假

休假二

北堂書鈔

李登得假

風俗通曰濟北李登為從事吏病得假

不得別汝

差類病者我代居府後人所言廢事

見時相弊

久弟大怒曰濟北而乃欲相為也

請假

范甯斷爵二千石急假事云江南太守毛據尋

請急跨月

有違憲制元嘉起居注云王韻之彈著作

直請急

禁旅請急無經宿文又云御史中丞劉武之

請急二日

半經之五里外尋隨所欲之適

禁旅之官

惟請急出三十五里外尋隨所欲之適

任取日多少

外正官皆陳假紛煩尚書不上皆取急于自須多

疾病假紛

解故之制一令陽改尚書不上皆取急于自須多

日隨其所

欲適其任取日多少也尚書不上皆取急于自須多

廢輒皆移

病前門自今以後尚書鋪不上門折急拘

音鳥引也
又音枯

休假三

白帖

拜墓

晉陸曄仕錄尚書求歸鄉里拜墳墓有司奏舊

大臣之義

本在忘忌既蒙詔許省墳墓豈葬妻魏舒

容有期愚

謂宜還自還不須制日詔從之

元為尚書

三娶妻皆亡是年三最予告杜欽言於王

自表乞假

葬妻詔賜地及錢

云二千石

告過長安謁不分別賜予今有司以為予

告得歸賜

告不得長安謁不分別賜予今有司以為予

予告也或

病滿賜告詔恩也今告則不得失輕重之

意鳳不聽

竟坐野王賜告不得歸遂為常案在官連

有三最則

數月考免賈逵字梁道為豫州刺史兵曹

得予告

還逵考山郎出錢乃漢書故事郎出錢市財用給文書

竟免之

山郎出錢乃漢書故事郎出錢市財用給文書

故曰山郎

移病盡一日輒償一休注云出財者能休

常在外貧

者實病皆以休假償之其豪富郎日出遊

戲或行錢得善部貨賂流行轉相放效楊惲為中郎
 將罷山郎移長度大司農以給財用其疾病休謁洗
 沐皆以法令從事郎謁者自白漢令曰吏二千石過
 皆化之莫不自勤謁者自白長安謁注云謁者自
 白得告也律吏二千石以上告多病數告疾且滿三
 歸歸寧道不過行所在者無辭多病數告疾且滿三
 月上嘗賜告者與飲失期人謁歸故失期還謁春中
 數焉終不愈與飲失期人謁歸故失期還謁春中
 問之對曰齊王使求臣女鄧通不出亦願謹不外交
 弟與使者飲故失期也鄧通不出亦願謹不外交
 雖賜洗沐董賢不出董賢字聖卿便僻善媚每賜沐
 不欲出也董賢不出董賢字聖卿便僻善媚每賜沐
 帝乃詔賢妻得未嘗出門張安世精力於職自公退
 遲籍入殿中張安世精力於職自公退
 食詩張扶不肯休薛宣為馬翊賊曹掾張扶至日獨
 貴和人道尚通日至吏以令休所繇來久曹錡有公
 事家亦望私恩掾宜從眾歸對妻子設酒餞請鄰里
 一笑相樂亦劉類不與假魏志劉類為弘農守使不
 可矣扶大慙劉類不與假魏志劉類為弘農守使不

休謁 休請 從告

齊謝朓休沐重還道中詩曰薄遊第從告思閑願
 罷歸還叩歌賦似休汝車騎非灞池不可別伊川難
 重違汀葭稍靡靡江菼復依依田鶴遠相叫沙鴉忽
 爭飛雲端楚山見林表吳岫微試與征徒望鄉淚盡
 沾衣賴此盈樽酌合景望芳菲問我勞何事需沐仰
 清徽志狹輕軒冕恩甚戀庭闈歲華初有酒初服偃
 郊扉 梁沈約休沐寄懷詩曰雖云萬重嶺所翫終
 一丘堦墀幸自足安事遠遨遊臨池清潯暑開幌望
 高秋園禽與時變蘭根應節抽憑軒舉木末垂堂對

水周紫籜開綠篠白鳥映青疇艾葉彌南浦荷花透
 北樓送日隱曾閣引月入輕幃爨寒蔬翦賓來春
 蟻浮來往既云劬光景為誰留 隋江總休沐山庭
 詩曰洗沐惟五日樓遲對一丘古槎橫近澗巴石聳
 前洲岸綠開河柳池紅照海榴野花寧辨晦山蟲詎
 識秋人生復能幾夜燭非長游

文梁沈約奏彈孔稚珪違制啓假事曰臣聞禁憲有
 章士子攸慎守官有典觸綱斯及蓋所以崇威闡法
 下肅上尊謹案廷尉會稽品中正臣稚珪歷奉朝班
 頻登要近九棘之任理無休謁冒制干聞實虧恒典

恩許雖降所制不闕違犯之條猶合約黜且稚珪
 自內轄作士下聞逼制明文日陳凡案自踰規距莫
 斯為甚臣等參議請以見事免稚珪所居官除中正
 官名輒下禁止 又奏彈奉朝請王希珪違假曰謹
 案奉朝請臣王希珪幸齒朝班私敬蓋闕休請有期
 曾無過及違施之譽允膺裁糾臣等參議請以見事
 免所居官輒下禁止

○辭官

帖白

上章 蔡謨上疏以疾病乞骸骨上司徒印綬章二
 子之疾寢伏待罪自旦及投檄 漢崔篆以明經徵請
 申公卿奏謨慢免為庶人

步兵校尉尉篆辭曰吾聞伐國不問仁人戰
陣不訪儒士此舉奚為至哉投檄而歸
明父名會舒拜會稽內史舒上疏乞換他郡朝廷議
以字同名音異舒又陳辭於是改會為鄞不得已而行
之同名江統為中郎選司以統叔春為鄞人殷繁使至
受官而不得言朝廷從之
宜聖數郡待振旅之臣
臣非所宜願受小職
官補郡吏所為
憂末而忘本
尉評一人告稱父命不就
不得以私讓為制二子不得已就之
字祖言為吏部尚書以愛子長
生有疾求解官營視詔許之
泛五湖行意乃扁舟泛五湖
第遂之楚騎常侍處云辭大不辭小遂之楚
治塵

辭卿命周邁先入及門遇疾而卒治塵辭卿注見邁
死故也
韋賢罷相加賜第一區丞相老病致仕自賢始伴狂
以避韋玄成伴狂失溲而止後漢世祖疆起張湛為
自謝病敢辱高位幸免獲侯敬仲為卿曰羈旅之臣願
而止督小職黃香為尚書令遷東郡守上疏云與郡才
氣未動醫視曰瘠則甚矣而血氣未動言無疾也乃
免醫藥勉就尚書杜延年賜安車養牛一上尊酒十
石曰君其宜勿奪志
勉就醫藥宜勿奪志
加刑鍾繇議不能者止
宜勿奪志不能者止
劉矯有高節以叔父未舉主不可齊列後漢劉陶字
得仕進絕州郡之命
女行
卷六十三
二十一
對官

以所舉主為尚書不可官不屑就 辭合善為 匪

念恪居 徒思智免 奉身而退 知止不殆

○去官 北堂書鈔

表送童綬 晉書魏舒為司徒年老每稱疾遜位後因

記執意歸國於是賜安居駟馬門施行馬舒為事必

先行而後言遜位之際莫有知者時論以為晉興以

來三公能辭榮祿 上還舉板 荆川先賢傳云董正少

終者未之有也 會稽錄云周規為湘令二

還舉板也 棄官而去 月長沙太守徐規行縣以卓

穢敕縣除之規以妨農時損夫 投檄而歸 官詳辭 卽投

傳去 豫章云孔 迺以疾歸 汝南先賢傳云 趙溫歎唯

伏 東觀漢記趙溫為京兆丞歎曰 高岱謂藏暉傳云

謂司卿曰懷書千卷隱光藏暉遂稱疾歸家

去官二 白帖

挂冠 後漢逢萌字子慶見王莽殺子宇曰三綱命駕

世說張翰字季鷹為齊王東曹掾在洛陽見秋風起

因思江南菰菜羹鱸魚膾曰人生所貴適意何能羈

官數千里以邊名 貢禹 府官所責免冠謝禹曰冠一

爵乃命駕東歸 免豈可復冠 枚乘 為農都尉不樂

耶遂去官也 枚乘 為農都尉不樂 不折腰 陶潛為

曰今日不能為五斗粟折腰於 敢踰心 少曾稽人稱

鄉里小兒乃棄官作歸去來辭 敢踰心 少曾稽人稱

疾去官於父母前自誓曰今後敢踰心 無義不仕 君子

行其 有嫌棄歸 太守呂岳有嫌棄官而歸 司徒失

義也 有嫌棄歸 太守呂岳有嫌棄官而歸 司徒失

人 仲叔曰辟而不問是失人也投劾云云 郡守非

政行 卷六十三 法

人後漢檀敷蒙城令以病不之官後漢楊倫以諫不

病不之官司諫催促倫上疏曰有留死疾無所庇

公孫蕩棄官奉戒免歸王吉嘗坐昌邑王被刑戒子

則族無所庇奉戒免歸

史官歸典兵擅去世說王經字彥緯為江夏守曹爽

書棄官歸母以經典兵馬而擅去三揖一辭

官對送使杖五十爽問不復加罪三揖一辭

而退難進易退官止六百石

免見執王事儀范滂字孟博為光祿主事執公儀見

去見執王事儀范滂字孟博為光祿主事執公儀見

官郭林宗陳蕃刺史不合刺史周景辟陳蕃為別

聞而讓蕃陳蕃刺史不合

與鄉人敬之義陽記龐德公去官歸鄉居白沙里鄉人

宗敬之相語曰我家池中龍種來范滂詣獄解印

里中化其德讓少壯皆慕老者擔范滂詣獄解印

章銅事下詔捕范滂督郵吳導至縣抱書閉閣飲淋

而泣滂聞之曰此必為我也即自詣獄縣令郭橈大

驚出解印引出俱去曰天下事大矣子何巴肅詣縣

為在此曰滂死則禍塞何敢以罪累君巴肅詣縣

解印俱去肅曰人臣有謀不隱有罪不怨遂被害刺

史賈琮刻高尚高尚不仕王侯

石記之高尚不仕王侯

力而行

○離局

出界送晉郭奕為野王令羊祜過之遂

規威明為渡遼將軍欲退身數上病不許友人王晏

喪還規越界迎因令客密告并州刺史胡芳奏芳曰

威明欲避地故耳吾當為朝廷失位失位

愛才何能中此子計遂不問也失位

寵名失職常刑無赦

皆棄失職常刑無赦

去黃聞司徒趙溫薨以故吏石崇免官石崇為大司農

違科奔喪司隸鍾繇長伏法石崇免官

以徵書未至一日失職則死旬日却還

擢去官免之各揚其職

却乘驢還遐棄厥司

既忘恤既忘恤

緯是不理恤

○黜免一書鈔

成王黜廷理說苑云楚令尹子文之族有干法者廷

召廷理而責之何廷理之駿於法也

子文之宰曰寡人幼少置理失其人

遠夫子之意於是黜廷理而會子文

晏子使高糾治家三年而逐之

夫子三年曾無以爵位而逐之

夫方立之人維聖人而已如嬰者

左嬰右嬰之人不舉曰維將不正

未嘗弼吾過也柳下惠三黜

吾是以辭之論語云柳下惠為士師

三黜而不潘安仁再免

一除名一不拜職

錘通寒有遇抑亦拙者之效也

子母降東方朔於朱牖之中

使梁冀下治山陵尚書樂巴上書

民冢太后詔曰山陵尚書樂巴上書

酒跳梁前漢陳遵傳

之奏廖立視屋憤咤

名宜為諸葛亮之貳而更游散

憤宅亮表立誹謗先帝疵毀

郡山李密作詩奏免晉書云李密有

以失分懷怨及賜餞東堂詔普

有言有因有緣官無中人不如歸

文行

豈然武帝忿之於是謝贍種葱免官義熙十二年有

都官從事奏免密官謝贍種葱免官

種葱免官司空印綬前漢何武為九卿後母在

路有盜賊後母留止左右或譏武事親不篤收丞相

哀帝亦欲改易大臣遂策免武上司空印綬

印綬漢書制曰勿治鳳固爭之遣使者長丞相印綬

商免相三日上印綬就第前漢傅喜傳太后欲

喜與丞相死孔光大司空師丹共執正議傳太后大怒

上不得已先免師丹以感動喜喜終不順後數月遂

策免上印綬上印綬還第大司馬亦任職願害賢寵及

丞相王嘉死明其憐之上宴重賢欲極其設雀羅

位而恨明如此遂册免明上印綬還第賦鵬鳥

汲黯傳云先是廢門可設雀羅賦鵬鳥賈誼謫居長

賓客填門及廢門可設雀羅賦鵬鳥賈誼謫居長

日傷悼為特進歸第後漢竇憲既平匈奴成各太盛

鵬鳥賦後漢竇憲既平匈奴成各太盛

望風承旨景為執金吾驕縱尤甚奴客緹騎依倚強

奪財貨篡取罪人妻略婦女有司莫敢舉奏太后聞

之使謁者策免景庶人終家前漢諸葛豐傳云豐上

官以特進歸第庶人終家前漢諸葛豐傳云豐上

大夫張猛上直豐憐豐之者老免歸田里

不忍加刑其免為庶人終於家免歸田里

徙合浦漢書王莽與孔光隆為冀州牧陷無辜不

宜處在合浦徙歸故郡後漢竇融長子穆尚內黃公

免官徙合浦徙歸故郡後漢竇融長子穆尚內黃公

尚東海恭王徙歸故郡後漢竇融長子穆尚內黃公

陽公王顯宗徙歸故郡後漢竇融長子穆尚內黃公

多不主法帝乃盡免穆等官諸實西歸故里後漢馮衍

為郎吏者皆將家屬歸故郡實西歸故里後漢馮衍

京外戚賓客皆以法繩之大者抵死徙其餘至貶

黜銜由不得罪嘗自請獄有詔赦不問西歸故郡閉

門自保不敢河水溢三公黜察位備其隆替名節灌

復與親故通河水溢三公黜察位備其隆替名節灌

後漢書云安帝即位太尉徐察位備其隆替名節

防以災異寇賊策免云云察位備其隆替名節

文行察位備其隆替名節

卷六十一

三十一

以隳落 甄大義於明責反初服於私門 竝潘岳西征賦

黜免 二帖白

三已 合子文三 三違 事君三違不出境則利祿

伏罪 伏罪惡以黜惡 行吟澤畔 屈原既放乃行吟

而羅 俊罪長沙 賈誼謫為長沙王傅既以謫去渡湘

沙側聞屈原 為賦弔屈原曰恭承嘉惠今侯罪長

自沈汨羅云 黜不端不端黜乃亂 伯仁醉酒 部尚書醉酒為有司

黜師保 奪官邑 伯仁醉酒 部尚書醉酒為有司 樂魅 投荒

逐臣 遷客 左遷 左降 左轉 左授 投

諸四裔 謫居三年 失恩禁闥 俟罪荒陬 將

不甘心 故無鉗口 賈誼長沙之中實傷鵬鳥

屈原汨羅之上見著離騷

○有罪復用 帖白

拜韓安國 安國下獄免官後起用尚方禁 朱博字子

翊詐長陵大姓尚方禁面上是何等瘡痍禁具首服

也 魏尚舉繫獄 魏尚有罪繫獄 張敞起亡

命 張敞有罪詣闕上印綬即從闕下亡命 宣室詔入

賈誼 謫居長沙後歲餘文帝思 死灰復然 漢韓安國

獄吏田甲辱安國 曰死灰 棄瑕錄用 責功補

過 重以才難 許其功贖 秦赦孟明之罪 漢

文行

有罪復用

